


1 4
1544
18



蜀檇自序

嘗觀自古姦雄竊據成都者皆因中原多故而閉關恃險以苟偷一時之安譬夫穿窬之人利於昏眼之夕至於白晝皎然則無能爲也且韋臯守蜀二十餘年其材智機權過于王孟遠矣正欲求兼兩川節鉞而不能得劉闢惑術士之言自謂才過項羽不數月就檻車之縛蓋是時朝廷清明刑政修舉賢智在位紀綱整葺彼雖欲不臣勢不能爲也使臯闢在五代時其爲惡必有過於王孟者以此知朝廷治則蜀不能亂朝廷不治則不惟蜀爲不順其四方藩鎮之不

蜀檮杌自序

嘗觀自古姦雄竊據成都者皆因中原多故而閉關恃險以苟偷一時之安譬夫穿窬之人利於昏瞶之夕至於白晝皎然則無能爲也且韋臯守蜀二十餘年其材智機權過于王孟遠矣正欲求兼兩川節鉞而不能得劉闢惑術士之言自謂才過項羽不數月就檻車之縛蓋是時朝廷清明刑政修舉賢智在位紀綱整葺彼雖欲不臣勢不能爲也使臯闢在五代時其爲惡必有過於王孟者以此知朝廷治則蜀不能亂朝廷不治則不惟蜀爲不順其四方藩鎮之不

順亦有不下於蜀者當王衍之入洛也三蜀之人盡喜中國之有聖人而莊宗摠制失馭中外繼叛蒲禹卿慟哭曰觀天下事勢如此蜀人豈有安泰之期耶必重不幸爾洎知祥入蜀之後明宗頗以蜀人爲疑凡高賞有力者盡令東徙張丕立歎曰蜀中之叛非蜀人爲之也皆朝廷所委用之臣所爲也其言蓋有激而云爾善乎田龍游之論曰僭僞之主改廳堂爲宮殿改紫綬爲赭袍改僚佐爲卿相改前驅爲警蹕改妻妾爲后妃何如常稱成都尹永無滅族之禍耶茲可謂玉石切至之言也王孟子四世九八十年

比之公孫述輩最爲久遠其間善惡之跡亦可爲世之鑒戒然編錄者如耆舊傳鑑戒錄野人閑話之類皆本末顛倒鄙俗無取真宗時知制誥路公振修九國書有前蜀後蜀世家列傳然而煩簡失當尚多踈畧如張扶馮涓張士喬段融蒲禹卿張雲陳及田淳之徒諫草章疏皆有益于世教盡棄而不錄此觀者所以惜其有未備也予家舊藏前蜀開國記後蜀寔錄凡三十六卷嘗欲焚棄而不忍今因檢閱始終削去煩冗編年敘事分爲二卷其間事寔未顯如髯須肥遺遠望績長禹糧蒲騷之類各爲解其失誤凡五

代史及皇朝日歷所載者皆畧而不書名曰蜀檮杌
蓋取楚史之名以爲記惡之戒非徒徇其小說亦使
亂臣賊子觀而恐懼云耳張唐英汝功撰

蜀檮杌卷上

宋 尙書屯田員外郎黃松子張唐英汝功撰

王建字光圖其先潁川郟城人後徙居項城隆眉廣
額身長七尺與晉暉輩以剽盜爲事被重罪繫許昌
而獄吏縱之使去武當僧處洪謂曰子骨相異常貴
不可言何自陷爲盜建感其言因隸軍於忠武而節
度使杜審權拔爲列校從討王仙芝有功所乘馬死
剖之得一小蛇于心間私自異之秦宗權據淮西募
建補軍虞侯廣明中僖宗幸蜀建與晉暉韓建張造
李師泰同謀率三千人奔行在僖宗大喜乃分其兵

使建等五人主之號隨駕五都田令孜皆錄爲假子
駕還分典神策軍光啟元年令孜與河中王重榮有
隙移鎮易定重榮遂舉兵向闕二年正月僖宗再幸
興元以建爲清道使負玉璽以從至堂塗驛而邠寧
昌符朱玫等遣人焚棧道建翼僖宗過于烟焰中夜
宿坡下僖宗枕建膝而寢賜以金券至褒中以建遙
領璧州刺史令孜悔禍求爲西川監軍以楫復恭代
爲觀軍容使復恭慮建不附已出爲利州防禦使十
月駕還楊守亮鎮興元屢召建建疑其圖已遂招豪
猾八千攻陷閬州殺楊行遷入據其城自稱刺史十

一月昭宗卽位陳敬瑄叛于成都慮建與東川顧彥
朗膠固爲患頗憂之令孜曰建吾子也可折簡召之
遂與建書曰中原多故惟三蜀可以偷安陳公恢廓
無疑同建大喜吾父子輔之無不可也建大喜領兵
趨成都敬瑄叅謀李又謂曰建今之奸雄狼顧久矣
必不爲人下若爲將校亦非公之利建至東川敬瑄
遣人止之建怒進攻破鹿頭入據漢州進攻成都顧
彥朗亦懼建反戈相襲上表雪其罪建亦奏請擇大
臣帥蜀乃召宰相韋昭度爲成都尹割邛蜀黎雅置
水軍于邛州以建爲節度使建發兵迎昭度于劍

門敬瑄不受代昭度於城東置行府以建爲衙內都
指揮使大順元年十月建度敬瑄垂敗心冀全蜀乃
給謂昭度曰相公興數萬之衆未有討賊之效而饋
運不繼大衆囂然今關東藩鎮相噬圖傾國家社稷
朝廷姑息不暇相公爲國大臣其心安忍不如東還
以清中原此根本之策也劔外之事願以相委必不
負驅策昭度猶豫未決建陰令軍士攜昭度帳下吏
駱保蒼頭保祿鬻食之昭度大懼乃以符節付建卽
日東還詔復敬瑄官令建罷兵歸邛州建不從急攻
成都令孜懼登城與建語曰老夫與夷大哥素厚何爲

相扼如此建曰建與軍容有父子之恩何心敢忘但
太師負國而朝廷使建討之苟太師改心便可釋憾
令孜與敬瑄議以勢不可敵其父令孜持符印卽建
營授之翌日以成都讓建自稱留後表成其事龍紀
元年春制授成都尹西川節度副使仍知節度事管
內觀察處置雲南八國招撫等使敬瑄廢處雅州以
其子爲刺史旣行建遣殺于三江令孜仍監其軍四
月以令孜陰附鳳翔擒下獄餓死光化三年詔建私
門立戟加中書令封琅琊王四年封建西平王
三年昭宗還長安建奉表貢茶布等十萬八月封建

司徒蜀王四年八月朱全忠弒昭宗建率將吏百姓
舉哀制服七年全忠篡位改元開平巨人見青城山
鳳皇見萬歲縣左右勸進三遜而後從九月僭卽僞
位號大蜀改元武成以王宗信爲中書令韋莊爲散
騎常侍判中書門下事唐道襲爲樞密使任知元潘
峭爲宣徽南北院使王宗裕爲太傅王宗侃爲太保
兼侍中以唐觀軍容嚴遵美爲內侍監授唐室舊臣
王進等三十二人官爵有差十月下僞詔改堂宇廳
殿爲宮殿其畧曰帝君之居上應神象朝貢臻集華
夷會同宮闕殿閣之深嚴臺省府寺之宏壯頒分名

號以正觀瞻况我肇啓丕圖類有嘉瑞允協上元之
貺式光萬世之基至于廚廐之標題蒼庫之曹列並
宜從革用永維新

一大衙門爲宣德門獅子門爲神獸門大廳爲會同
殿毬場門爲神武門毬場廳爲神武殿蜀王殿爲
承乾殿清風樓爲壽光閣西亭子廳爲咸宜殿九
頂堂爲承乾殿會仙樓爲龍飛閣西亭門爲東上
閣門亭子西門爲西上閣門節堂南門爲日華門
行庫角門爲月華門萬里橋門爲光夏門竿橋門
爲神德門大東門爲萬春門小東門爲瑞鼎門大

西門爲乾正門小西門爲延秋門北門依舊大元門子城南門爲崇禮門中隔爲神雀門東門爲神政門西門爲興義門鼓角爲大定門北門爲大安門中隔爲元武門昌橋爲應聖橋舊宅爲昭聖宮堂爲金華殿摩訶池爲龍躍池設廳爲韻光殿軍資庫爲國計庫衙庫爲內藏庫衙內麴佑庫爲齊天庫衙內雜庫爲廣潤庫賞設庫爲常盈庫賞設行庫爲殿前庫南倉爲天富倉贍軍東庫爲左金藏庫北倉爲大倉甲仗庫爲天武庫舊三使院爲彰信門尚書省于舊使院置御史臺于府司置府

城爲皇城使防城使司依舊兩馬步使爲左右街使廂虞候爲街巡使後槽爲飛龍厩客司爲客省使樂營爲教防使廚爲御食廚戟門添置三十六戟神策營爲糧料司六軍爲支計院成都府移在子城外遂穩便處署立府所司新西宅爲天啓宮堂爲玉革樓殿

武成二年正月祀南郊御樓肆赦以韋莊爲吏部侍郎張革爲中書侍郎並平章事因謂曰不恃權不行私惟正是守此宰相之任也三月灌中奏武部郎中張道古卒道古臨淄人少有文詞慕朱雲梅福之節

景福中舉進士釋褐爲著作卽進右拾遺時播遷之後方鎮阻兵道古上疏言五危二亂七事責授施州司戶叅軍未幾以輔闕徵由蜀赴闕陳田之變乃變姓名賣卜于温江建聞其名奏爲節度判官又上建姓名賣卜于温江建聞其名奏爲節度判官又上建詩序二亂五危七事爲同僚所嫉送茂州安置開國召爲武部郎中至玉壘關謂所親曰吾唐室諫臣終不能拳跽與鷄犬同食今須召還必須再貶于此死之日葬吾于關東不毛之地題曰唐左輔闕張道古墓至蜀果不爲時所容復貶茂州卒于路五月立周氏爲皇后宗懿爲太子十月講武星宿山步騎三十

萬遂晏于行宮謂左右曰得一二人如韓信而將之中原不足平也宗佶跪曰臣雖不才自顧可驅策兵部郎中張扶進曰陛下雄才大畧尚不能得岐隴尺寸之士宗佶小子狂妄願陛下無以中原爲意宗佶憾之諭庖人置藥而毒殺之扶字子持廣都人博學善文凡書奏牋檄皆屬之贈諫議大夫制封諸子爲王王建十一子馬姬生宗仁白姬生宗懿宋姬生宗輅陳姬生宗智宗時喬姬生宗傑褚姬生宗鼎宗平宗澤徐姬生宗衍撲殺晉國公王宗佶宗佶本姓甘氏建未有子錄爲養子以戰功累遷中書令恃位隆功

高所爲不法連上表求爲太子建勉諭令出而不肯去言詞甚悖因叱衛士撲殺之

三年六月下詔勸農桑曰昔劉先主人蜀武侯勸其閉關息民十年而後舉兵震搖關內朕以猥眇托于人上爰念蒸民久罹干戈之苦而不暇力于農桑之業今國家漸寧民用休息其郡守縣令務在惠綏無侵無擾使吾赤子樂于南畝而有幽風七月之詠焉八月吏部侍郎平章事韋莊卒莊字端已杜陵人見素之後乾寧中舉進士建奏爲掌書記昭宗遇弒梁祖卽位遣使宣諭興元節度王宗綰馳驛白建建謀

興復莊以兵者不可倉卒而行乃爲建答宗綰教其畧曰吾家受主上恩有年矣衣衿之上宸翰如新墨詔之中泪痕猶在犬馬猶能報主而况人之臣子乎自去年二月車駕東還連貢二十表而絕無一使之報天地阻隔叫呼何及聞上至谷水臣僚及宮妃千餘人皆爲汴州所害及至洛果遭弒逆自聞此詔五內糜潰今兩川銳旅誓雪國恥不知來使何以宣諭示此告勒令自決進退梁使遂還梁祖遣使通好以建爲兄莊得書笑曰此神堯驕李密之意也建之開國制度號令刑政禮樂皆莊所定拜平章事卒有浣

花集二十卷十二月大赦改元永平

永平元年十一月周德權卒德權汝南人建之妻弟從建入蜀以戰功累遷眉州刺史梁祖既篡德權上表曰按讖文李祐西王逢吉昌土德允興丹莫當李祐者唐亡也西王者王氏興于西方也逢字如殿下之名也土德坤維也兌興亦西方也丹莫當者丹朱也言朱梁不敢與殿下抗也願稽合天命仰膺寶錄使天地有主神人有依建大悅曰成我者叔舅也建卽位累遷太保中書令卒贈太師

二年正月贈張魯扶義公諸葛亮安國王二月朔遊

龍華禪院召僧貫休坐賜茶藥綵段仍令口誦近詩時諸王貴戚皆賜坐貫休欲諷因作公子行曰錦衣鮮華手擎鸚鵡間行氣兒多輕忽艱難稼穡皆不知五帝三王爲何物建稱善貴倖皆怨之貫休本蘭溪人善詩與齊已齊名有西岳集十卷三月詔平章事張格專編纂開國以來寔錄獲玉璞于田令孜之故第以爲國寶其文曰有德承天其祚永昌八月什邡縣獲銅碑石記有膺昌之文改什防爲通記縣改太子名爲元膺

三年七月大昌軍使徐瑤等脅太子元膺舉宮中以

叛諸軍討之斬元膺瑤伏誅以行爲太子瑤字伯玉長葛人從建入蜀勇猛善格鬪建初在韋昭度幕府其兵皆文身鬣黑衣裝詭異衆皆稱爲鬼兵稱瑤爲鬼魁建克成都瑤多污辱衣冠士女富人李希妻俞氏有異色瑤虜而逼之俞氏曰吾夫夙嘗爲鄉貢進士風流儒雅人比之相如吾尚以非吾匹爾健兒也焉得無禮瑤仗劍謂曰爾畏此乎俞氏曰吾寧死必不受辱瑤欲殺之左右謂曰城中婦人無限何必逞暴釋之

四年二月以太子衍判內外六軍事詔以東宮爲崇

賢府凡文學道德之士得以延納訪問重陽建出游寶歷寺妃后皆從其日宮女四人逃匿搜尋不獲明日得之乃寺僧誘之藏于民家與僧二十二人同斬于龜化橋十月內樞密使潘炕卒炕字疑夢其先河南人有器量家人未嘗見其喜怒然變于美妾解愁遂風養成疾解愁姓趙氏其母夢吞海棠花蕊而生有國色喜爲新聲及工小詞建嘗至炕第見之謂曰朕宮無如此人意欲取之炕曰此臣下賤人不敢以薦于君其寔靳之弟峭謂曰綠珠之禍可不戒耶炕曰人生貴于適意豈能愛死而自不足于心耶人皆

服其有守十二月御大安門受秦鳳階成之信大赦
改元通正時十霖雨禱于奇相之祠

唐英按古史震蒙氏之女竊黃帝元珠沉江而死
化爲此神卽今江瀆廟是也

通正二年正月梁遣使來聘二月翰林學士庾博昌
卒博昌後周義成侯信之後富文藻著金行啓運錄
二十卷青字載筆記十五卷玉堂集二十卷三月宏
農郡王晉暉卒暉許州人少有胆勇初與建爲盜夜
泊武陽古墓中聞人呼墓中鬼曰潁州設無遮會可
同行否墓中應曰蜀王在此不得相從二人相會曰

蜀王誰是也暉曰八哥狀兒有異于人必有非常之
事建嘗與飲敘舊暉曰武陽墓中言果不誣耳建笑
曰始望不及此卒建親往臨弔十一月大赦改元天
漢元年國號改稱天漢以廣成先生杜光庭爲戶部
侍郎

天漢元年正月封張飛爲靈應王鄧艾爲彰順王張
儀爲昌化王五月祀皇帝于南郊翌日祀地祇于方
邱六月賜百官飛雪九十一月祀昊天上帝于圜邱
大風拔木幕幄皆裂改元光天依舊稱大蜀國

光天二年四月有狐皞于寢室鵠鳴于帳中鷄鷓

集于摩訶池建因感疾甚篤召大臣賜坐示手書曰朕比遭亂離干戈定秦蜀賴卿等忠勤夾輔遂正名號撫有神器兢兢業業懼不負荷幸托天地之靈廟社之貺方隅底定民黎樂康二氣叶暢五谷豐稔然以萬機之大不免勤勞于夙夜感此疾養藥石弗救太子雖幼有賢德然次不當立卿等固請于外后妃亦甚篤愛朕不能違立爲儲貳勉力輔戴無負吾邦家之休又謂曰太子若不克荷但置之別宮選立賢者慎勿害之徐氏兄弟但優與俸祿以豐其家勿令掌兵以速其禍詔太子入侍疾六月建薨年七十二

偽謚神武聖文孝德明惠皇帝廟號高祖葬永陵

黃松子曰唐自廣明之亂天下凌遲奸猾亡命之徒攘袂誓衆于萑蒲之下而所在橫潰建于此時乃與晉暉輩攘竊于許蔡之郊藏匿于墟墓之間其暴固不足以警動郡縣及抵罪被繫死在旦夕而孟彥暉縱之使去此豈獄吏知其必貴而佑之耶抑天爲之耶遂能奮跡士伍奔赴行在忠義感激誠貫白日執戈披銳翼衛乘輿于烟焰之中其勤至矣巨閹猜忌自壁遷利遂舉兵據闔止謀自全之計泊陳田召而不納遂抗表請師猶有勤王

之節韋昭度章句書生柔雅醞藉非有將帥之才
駕馭之術建察其可取而代中以機智奪其符印
遂摧敵克城節制全蜀而納貢述職道不絕使及
梁祖受禪非有湯武高光之德建誓師雪恥而爲
岐隴所阻自視才畧不在梁下其肯甘心俯首而
爲之臣耶因僭竊位號亦時使之然也觀其委任
將佐擢用才智撫養士卒惠綏黎庶勸課農桑輕
者徭賦臨終顧托至誠無疑前視劉備可以無愧
予嘗始終考究建之誠心使全忠不篡昭宗尚克
享國必不忍爲鼎足之勢此予所以不深罪之也

衍字化源建幼子舊名宗衍八歲封鄭王爲左奉駕
軍使元膺死建以淮王宗輅類已信王宗傑明敏有
才欲選立之衍母徐氏有寵密以金百鑑遣宰相張
格言上已許衍爲太子願相公助之格遂抗表言衍
才器英武寔看社稷之托遂得立開崇賢府置僚屬
頗好經詩賦卽位年十八時梁貞明五年也立妃周
氏爲皇后十月詔選良家女二十人備後宮十二月
拜永陵詔以來年正月有事于南郊改明年爲乾德
元年以龍躍池爲宣華池卽摩訶池也
二年八月衍北巡以宰相王鐸判六軍諸衛事旌旗

戈甲百里不絕衍戎裝披金甲珠帽錦袖執弓挾矢
百姓望之謂如灌口神后妃餞于昇仙橋以宮人二
十人從至漢州駐西湖與宮人泛舟奏樂飲宴彌日
九月駐軍西縣自西縣還至益昌泛舟巡閱中舟子
皆衣錦綉衍自製水調銀漢曲命樂工歌之郡民何
康女有美色將嫁衍取之賜其夫家百緡其夫一慟
而卒

三年三月衍還成都五月宣華苑成延袤十里有重
光太清延昌會真之殿清和迎仙之宮降真蓬萊丹
霞之亭土木之功窮極奢巧衍數于其中爲長夜之

飲嬪御雜坐舄履交錯嘗召嘉王宗壽赴宴宗壽因
持杯諫衍宜以社稷爲念少節宴飲其言慷慨激切
流涕衍有愧色佞臣潘在迎顧珣韓昭等奏曰嘉王
從來酒悲不足惟也乃相與諧謔戲笑衍命宮人李
玉簫歌衍所撰宮詞送宗壽酒宗壽懼禍乃盡飲之
在迎曰嘉王聞玉簫歌卽飲請以玉簫賜之衍曰王
必不納衍宮詞曰輝輝赤赤浮五雲宣華池上月華
新月華如殿有酒不醉真
人宗壽字永年王建之族子八月衍受道籙于苑中
以杜光庭爲傳真天師崇真館大學士光庭字賓聖
京兆杜陵人寓居處州方干見之謂曰此宗廟中寶

王大圭也與鄭雲叟應百篇舉不中入天臺爲道士
僖宗召見賜紫衣出入禁中上表乞游成都隱青城
山白雲溪卒于蜀年八十五顏兒如生衆以爲尸解
有文十餘卷皆本無爲之旨九月詔置賢良方正博
通經史明達吏理識洞兵機沈滯邸園五科令黃衣
選人白衣舉人投策就試吏部考較十月以韓昭爲
吏部侍郎判三銓昭受賂徇私選人詣鼓院訴之又
嘲曰嘉眉印蜀侍郎骨肉導江清城侍郎親情果闌
二州侍郎自留巴蓬集壁侍郎不惜衍召而問之昭
曰此皆太后太妃國舅之親非臣之親衍默然昭字

德華長安人衍北巡以爲文思殿學士京城留守判
官李台段云韓公凡事如僧剃髮無有寸長昭以便
佞恩傾一時出入宮掖太妃愛其美風姿而專有辟
陽之寵唐兵入蜀王宗弼與之有隙先捕而殺梟其
首金馬坊百姓皆溺之

四年二月文明殿試制科白衣蒲禹卿對策其畧曰
今朝廷所行者皆一朝一夕之事公卿所陳者非乃
子乃孫之謀暫偷目前之安不爲身後之慮衣朱紫
者皆盜跖之輩在郡縣者皆虎狼之人奸諛滿朝貪
淫如市以斯求治是謂倒行執政皆切齒欲誅之衍

以其言有益擢爲右補闕三月禁百姓不得戴小帽
衍好私行往往宿于娼家飲于酒樓索筆題曰王一
來云恐人識之故令民間皆帶大帽四月流軍使王
承綱于茂州衍嘗私至承綱家悅其女有美欲私之
承綱言已許嫁將適人衍不從遂取入宮潘昭與陳
綱有隙奏其怨言故被貶女聞陳綱得罪剪髮求
贖其罪不從乃自縊死自五月不雨九月林木皆枯
赤地千里所在盜起肥遺見紅樓

後蜀辛寅遜修王氏開國記以肥遺爲旱魃唐英
按肥遺蛇名角上有火見則大旱非魃也出山海

經外傳華山亦有此蛇

五年三月上巳宴怡神亭婦女雜坐夜分而罷衍自
執板唱霓裳羽衣及后庭花思越人曲四月遊浣花
溪龍舟綵舫十里綿亘自百花潭至萬里橋游人士
女珠翠夾岸日正午暴風起須臾雷電冥晦有白魚
自江心躍起變爲蛟形騰空而去是日溺者數千人
衍懼卽時還宮重陽宴羣臣于宣華苑夜分未罷衍
自唱韓琮柳枝詞曰梁苑隨堤事已空萬條猶舞舊
春風何須思想千年事惟見楊花入漢宮內侍宋光
浦詠胡曾詩曰吳王恃霸棄雄才貪向姑蘇醉綠醅

不覺錢塘江上月一宵西送越兵來衍聞之不樂于是罷宴七月天富倉奏米中生虫如小蜂尾後如米粒曳之而行十月彗星見長丈餘在井鬼之次司天言恐國家有大災宜修德以攘之詔于玉局建置道場以荅天變右補闕張雲上疏言此是百姓怨氣怨氣上徹于天成此彗星彗者除舊布新之義此乃亡國之兆豈祈禳之可弭衍怒流于黎州雲唐安人立朝蹇諤自雲在朝權倖多疾之宣徽使景潤澄嘗謂曰昔朱雲請斬馬劍以腰斬張禹今上方只有殺雞刀卿欲用乎雲曰雞刀雖小亦可斬羣狗潤澄憾之

至是奏雲謗國遂有黎州之貶雲多病行至臨邛卒六年正月禁民戴危帽其制狹中俛首卽墜在位者惡之九月唐莊宗遣李稠來通好市珍玩錦綉衍不許以馬落草莊宗怒曰衍豈免落草乎

成康元年正月朔受朝賀大赦改正月衍朝永陵自爲尖巾民庶皆効之還宴怡神亭嬪妃妾妓皆衣道服蓮花冠髻髻爲樂夾臉連額渥以朱粉曰醉粧國人皆效之四月朔從會辟臣舉觴不飲容色不悅特進顧在珣曰臣聞主憂臣辱今陛下臨軒不樂臣願請罪衍曰北有後唐南有蠻詔旣不能弔伐又不

爲臣子此所以憂也在珣曰朝廷有十臣在陛下何憂退而令太子洗馬林罕者著十臣文以進曰只如興土木于禁中選驍雄于麾下爰持斧鉞出鎮藩籬飾宮殿于遐方命鑾輿而遠幸爲釁之端爲禍之原有王承休在摧挫英雄吹揚佞媚全無才智繆處腹心斷性命于戲玩之間戮仇讎于樞机之下有功劳而皆棄非賄賂而不行有朱光嗣在受先皇之付囑爲大國之棟梁既不輸忠又不知退恣一門之奢侈任數力之驕矜徒爲貪饕之人寔非社稷之器有王宗弼在謬陟烟霄殊非蹇諤與亂本則違章程之妙

恣奸謀則事頰舌之能心口傾危尚居左右有韓昭在性懷慘毒心恣貪殘焚蕪軍營要寬私第不顧喧騰于衆口惟思自任于忿懷有歐陽晃在酷毒害民市井聚貨叨爲郡守寔負天恩瘡痍已徧于陽安蒙蔽由憑于密勿有田魯儔在爲君王之元舊受保傅之尊官但務奢華不思輔弼第宅迴同于上苑金珠求滿于貪心有徐延瓊在出爲留守入掌樞機無諤諤以佐君但唯唯而徇旨有景潤澄在搜求女色取悅宸襟常叨不次之恩每冒無厭之寵敷對惟誇于便捷佐時不識于經綸素非忠勤實爲忝竊有嚴凝日

在唱亡國之音銜趨時之侈每爲巫覡以玩聖明致君爲桀紂之昏使上乏唐虞之化有臣在陛下任臣如此何憂社稷不安衍覽之大笑賜在珣綵五百段加開封府在珣以綵之半遺罕罕字仲緘温江人博通經史獻車駕還都賦除温江主簿遷太子洗馬落托不羈文多訛刺執政惡之故不得大用而卒四月唐遣客省使李嚴來聘以覘虛寔笏書記敘興亡其畧曰狀自朱温肆逆運屬昭宗三年痛別于西秦一旦遽遷于東洛誅夷宗室熱蕪宮闈雖列藩悉是唐臣無一處不從僞命由是大唐中興皇帝念高祖太

宗之業倏原隳墮憤朱温雀流之徒同謀篡弒遂乃神機迅發心鼎獨然竭滄溟而誓戮鯨鯢芟林莽而決除虎兕十年對壘萬陣交鋒慮久困于生靈乃選揀其死士纔過汶水縛王彥章于馬前旋及夷門斬朱友正于樓上劍霜木匣槍雪猶揮段凝領八萬雄兵倒戈仗死趙岳知一人應運引領待誅遂使賊將寒心謀夫拱手取乾坤只勞八日救塗炭遂定四維備闡王猷咸遵帝力今則三秦貢表兩浙稱臣淮南陳述職之儀回紇備朝天之禮才安宇宙便息干戈未順梟兇方議除剪豈謂蜀國皇帝柔遠懷邇居安

慮危喜帝祚中興羣妖悉滅特遣蘇張之士將追唐蜀之歡吾王迴感于蜀王國禮遠酬于厚禮宣徽使宋光葆召嚴宴飲與語終日伏其機辨料嚴東還必有鄧艾之謀乃謂衍曰吾先皇承天正命惠養全蜀有鼎足勢今以奸雄相喻是鄙吾也可斬其使以威天下衍不從既還言衍荒淫失政可一鼓而下光葆聞之又上疏時衍荒于游宴不能悉用其策光葆字季正內樞密使光嗣之從弟隋光嗣爲閹給事黃門累遷東川節度使及衍敗托疾留闕中爲刺史安重霸所殺七月丙午衍應聖節列山棚子得賢門是日

有暴風摧之翌日雷震應聖堂聖堂二柱太常少卿楊玠上言其畧曰陛下誕聖之日而山摧者非不驚不崩之義也在于得賢門者示陛下所用不得賢也應聖摧者示陛下柱石非材也衍不以爲意九月衍與母同禱青城山宮人畢從皆衣雲霞之衣衍自製甘州詞令宮人歌之其詞哀怨聞者悽愴衍至青城住旬日設醮祈福太妃太后謁建鑄像及丈人觀元都觀金華宮丹景山至德寺各有唱和詩刻于石次至彭州幸陽平化漢州三學山夜看聖燈亦各賦詩回至天回驛各又賦詩太后詩曰周游靈景散幽情千

里江山喜得行所恨風光看未足却驅金翠入龜城
太妃詩曰翠驛江亭近蜀京夢魂猶是在青城此來
出看江山景却被江山看出行徐氏父名耕成都人
生二女皆有國色耕教爲詩有藻思耕家甚貧有相
者謂之曰公非久貧當大富貴耕因使相其二女相者
曰青城山有王氣每夜徹天者一紀矣不十年後有
真人乘運此二子當作妃后君之貴由二女致也及
建入城聞有姿色納于後房姊生彭王妹生衍建卽
位姊爲淑妃妹爲貴妃耕爲驃騎大將軍衍卽位册
貴妃爲順聖太后淑妃爲翌聖太妃兄延瓊弟延珪

皆致位太師侍中衍旣荒于酒色而徐氏姊妹亦各
有倖臣不能相規正至于失國皆其致也十月衍還
成都是月莊宗遣興慶宮使魏王繼岌樞密使郭崇
韜來伐中外皇駭衍有所私秦州節度使王承休妻
嚴氏至是自統精兵入秦州以巡邊爲名左右切諫
皆不聽補闕蒲禹卿上疏衍不納禹卿成都人從衍
入洛及衍被誅乃慟哭曰蜀人自此重不幸也乃題
詩于驛門而逃不知所終衍離成都日天地冥晦兵
不成列有羣鴉泊于旗杆上其鳴甚哀次梓大風暴
起發屋拔木知星者趙廷又言曰此貪狼風千里外

必有破軍及將之凶行親禱張亞子廟抽簽得逆天者殃四字不悅次綿谷唐將李彥琛等圍鳳州刺使王承捷以城降衍乃以王宗勳宗昱宗儼為三招討以禦之唐師至三泉諸將皆棄城寨遁還衍令斷桔栢津梁自綿谷還留王宗弼以兵固守仍令斬宗勳等三將俄而宗弼亦棄綿谷奔白芬與三將同謀納款于魏王十一月衍至成都宮人及百官迎謁于七里亭衍入妓妾中作回紇隊以趨城中知唐師已逼但掩袂泣下既而宗弼擁兵還成都遂劫衍及母妻諸子遷于天啓宮收其璽綬金寶後魏王至德陽衍

報曰比與將校謀歸朝廷為樞密使朱光嗣景潤澄宣徽使周輅歐陽晃等異謀熒惑各以處斬謹函首以獻又邀李巖相見以母妻為托因上表曰臣先人受鉞坤維作藩唐室一開土宇垂四十年屬梁室挺灾皇綱解紐不能助逆遂至從權勉狗輿情正王三蜀逮臣纂紹罔敢怠違自保土疆以休生聚皇帝陛下嗣唐虞之業興湯武之師郭定中區奄征下國梯航畢集文軌大固臣方議改圖便期納款遽聞對討寔抱驚危今則委千里封疆盡為王土莫萬家臣妾皆沐皇恩輿觀有歸負荆埃罪望回日月之照特寬

斧鉞之誅顯佇德音以安反側謹奉表歸命翌日魏王至七里亭衍備亡國禮以降魏王入居東內崇韜止天府十二月魏王斬宗弼宗勳宗儼於東內夷其族宗弼姓魏名洪夫隸忠武軍隨建有功賜姓名莊宗下詔慰勞衍曰固當裂土而封必不薄人子險三辰在上一言不欺衍捧詔忻然曰不失爲安樂公乃率其宗屬及僞宰相王鎰等將佐家族上下及數千人東赴洛陽四年三月至鳳翔是時關東危急蜀中未寧莊宗令宦者向延嗣往中路誅之四月衍至長安延嗣至與留守張筠誅衍于秦州驛夷其族時年二

十八母徐氏臨刑呼曰冤哉吾兒以一國迎降反以爲戮信義俱棄吾知爾禍不旋踵矣建自唐光啓三年冬入蜀父子相承凡四十年而亡天成三年衍舊臣王宗壽上表乞改葬明宗下詔追封爲順正公以諸侯禮葬于長安南三趙村

黃松子曰衍幼無英特之質長于綺紈富貴之中及元膺被誅次當以輅僕爲嗣而衍母專寵大臣表裏叶謀遂得嗣立襲位之後不能委任忠賢躬決刑政惟宮苑是務惟宴遊是好惟儉巧是近惟聲色是尚闡官執政于外母后司晨于內張士喬

輩以諫諍而得罪王宗壽輩以鯁忠而見侮既不
卑詞厚禮以睦鄰又不選將練武而守國唐師壓
境尚謀宣淫于藩臣之家而不采光葆之義其滅
亡也宜哉然予觀莊宗之才非司馬文王之比崇
韜繼岌庸兒繆將非鍾會鄧艾之比是天下郡國
十未得五六藩鎮跋扈經畧未暇雖意在伐蜀亦
未有必然之計止于求金帛錦綉以自足其所欲
衍誠能啗之以利結之以好勤勞霸政勇于爲治
尚可延數十年俟真主應運納士歸命不失爲賣
融而以鄙吝招禍不免面縛及拜裂土之詔忻然

自得以不失爲劉禪屬天未厭亂中外有變非辜
殞命可也哀哉

蜀檣初卷上終

蜀檮杌卷下

宋 尚書屯田員外郎黃松子張唐英汝功撰

孟知祥字保膺荊州隴岡人爲郡衙史以咸通十五年甲午歲四月二十一日生有火光照室隣里皆異之有僧見而撫曰此五臺山靈也弱冠補太原衙內都指揮使李克用鎮太原妻以其弟克讓之女累遷親衛軍使天佑五年莊宗嗣晉王位改馬步軍教練使出知嵐州召爲中門使莊宗與梁祖夾河領兵知祥叅謀應變事無留滯中官屢以罪被誅知祥懼禍乃薦郭崇韜爲副而辭疾補馬步軍都虞侯莊宗卽

位于鄴除太原尹知留守事同光三年十二月魏王繼岌與崇韜伐蜀崇韜素德于知祥臨行奏曰西川平陛下擇帥無如知祥因以知祥爲成都尹劔南西川節度使大使朝于洛陽有司出內府幄幙珍玩館于宮中莊宗旣疑崇韜有異志戒知祥誅之知祥曰崇韜國之勳舊必無二心俟臣至蜀觀之如無他志卽遣歸闕知祥之石壕中使馬彥圭至言往誅崇韜知祥自洛至蜀凡十七日時天成九年正月則崇韜已被誅諸將恟恟知祥承制宣慰人心稍定初蜀人擊拂以初入爲孟入又王氏宮殿皆題匠人孟得姓

名及知祥至人以為先兆時魏王尙駐于府舍知祥乃館于徐延璠之第延璠卽衍之舅衍嘗幸其弟悅其華麗于壁上書孟字以戲之蓋蜀中以孟爲不佳故也延璠以紅紗籠之知祥見而笑曰疎狂霸豎亦預知與我代知吾居此耶四月明宗卽位十月加知祥檢校太傅兼侍中長興元年二月南郊知祥加中書令改封其妻瓊華公主爲福慶長公主三年長公主薨朝廷遣使來歸賻並贈晉國雍順長公主六月進封蜀王承制行賞諸將進秩有差九月葬長公主于星宿山四年二月命修王建墓禁樵採三月宴府

僚于王氏宣華苑因謂左右曰使行不荒于政有賢臣輔之繼歲小子豈能遽取耶趙季良曰亦天時也不有所廢君何以興知祥大喜九月立三廟十一月明宗崩制服大臨五年正月黃龍見健爲白鵲集玉局苑白龜遊于宣華苑季良上表陳符瑞率百官勸進知祥曰德薄不足辱天命以蜀王而老于孤足矣季良曰將士大夫盡節效忠于殿下止望攀鱗附翼今不正大統無以足軍民推戴之心閏正月二十八日遂僭卽位其日大風晝暝以季良守司空平章事李仁宰爲衛聖諸軍馬步軍指揮使趙廷隱張業爲

中書令判六軍事廷隱兼侍中六軍副使張業檢校太尉李肇兼侍中十月仁罕伏誅仁罕字德美陳留人十一月李肇以太子太傅致仕肇汝陰人二年二月尊母李氏爲皇太后李氏長公主之媵嘗夢大星自天墜落其懷以告公主公主曰此婢有福相當生貴子乃令知祥幸之遂生昶六月江原縣民張元母死負土成墳有白兔馴繞其廬羣鳥銜土置于墳上賜帛三十段及米酒仍付史館編錄七月閩州大雨雹如雞子鳥雀皆死暴風飄船上民屋女巫云灌口神與閩州神交戰之所致三年四月吳越遣使來聘

十月遣使報聘十二月晉高祖卽位改元天福四年
三月晉高祖遣使來聘敘姻親之舊其書畧曰大晉
皇帝奏書大蜀皇帝伏自中原多故大懟繼興朱氏
不道而皇天不親沙陀背義而蒼生失望不期景狼
屬眇躬方鼎足以分疆宜隣好之講睦况有姻親之
舊敢交玉帛之歡機務方殷保攝是望十月百姓譙
本罵母忽然化成虎上城趙廷隱射殺之因見昶言
曰虎山林之獸而人化之入于城市疑虎旅中有不
軌之士其夜張洪謀叛翌日爲其黨所告伏誅洪六
原人剛勇猛厲軍號爲張大蟲至是有虎上城被誅

左右匡聖步軍都指揮使二月追尊曾祖佚爲孝元
皇帝廟號太祖祖察爲孝景皇帝廟號世祖考嶽爲
孝武皇帝廟號顯宗遣宗使持書至洛稱爲大蜀皇
帝四月受玉寶玉冊追冊長公主爲皇后冊夫人李
氏爲貴妃御得賢門大赦改元明德六月往大慈寺
避暑觀明皇僖宗御容宴羣臣于華嚴閣下七夕與
宮人乞巧于丹霞樓是月寢疾命子昶監國季良召
術士周仲明問知祥壽仲明曰上合爲真王食蜀中
二十年祿旣登九五千壽無益季良曰可爲金滕乎
曰此天數也非人力可爲季良又問子孫壽何如曰

二紀外有真人出天下一統爾季良默然二十六日
薨年六十一偽謚文武聖德英烈明孝皇帝廟號高
祖葬和陵初有丐者自號醋頭手攜一燈架所至處
卓之呼曰不得燈燈便倒至是人以為應知祥好學
問性寬厚撫民以仁惠馭卒以恩威接士大夫以禮
薨之日蜀人甚哀之

昶字保元知祥第三子母李氏雍順公主之媵生昶
于太原大成初知祥迎入蜀累遷西川衙內馬步軍
都指揮使明德元年七月知祥寢疾以昶監國翌日
冊為太子知祥薨于柩前即位加季良司徒仁罕兼

即甘驗也十二月昶耀兵大元門翌日大赦改元廣

政

廣政元年上巳游太慈寺宴從官于玉溪阮賦詩俳
優以王衍為戲命斬之二月民訛言後宮產蛇取人
心肝食百姓驚恐踰月方止十月地震屋柱皆搖三
日而後止

二年六月地震惴惴有聲

三年正月上元觀燈露臺舞媚李艷娘有姿色召入
宮賜其家錢十萬五月地震昶問大臣曰頃年地頻
震此何祥也對曰地道靜而屢動此必強臣陰謀之

事願以爲慮六月教坊部頭孫廷應王彥洪等謀爲逆廷應趙廷隱之優人以能選入教坊有尼謂曰君貴不可言至是謂其徒胡圭曰今苦竹開花候侍中家馬作人言銀搶管中井水湧出地又數震此判亂之兆也搆得十二人期以宴日因持仗爲俳優盡殺諸將而奪其兵爲其黨趙廷規所告盡擒而誅之九月眉州刺史申貴責授維州司戶貴潞州人殘虐聚斂論獄吏令賊徒引富民爲黨以納其賂常指獄問曰此吾家錢壚被訴下獄責于維州至率浦賜死民家和賀十月地震從西北來聲如暴風急雨之狀

四年五月昶著官箴頒于郡國曰朕念赤子中食宵衣托之令長撫養安綏政在三異道在七絲驅雞爲理留犢爲觀寬猛得所風俗可移無令侵削毋使瘡夷下民易虐上天難欺賦與是切軍國是資朕之爵賞固不踰時爾俸爾祿民膏民脂爲人父母罔不仁慈特爲爾戒體朕深思昶好學凡爲文皆本于理嘗謂李昊徐光溥曰王衍浮薄而好輕艷之辭朕不爲也

五年正月地震二月湖南遣使來聘三月宴後苑賞瑞牡丹其花雙開者十黃者三白者三紅白相間者

四從官皆賦詩十月地震摧民居者數百
六年春大選良家子以備後宮限年十五歲以上二
十以下州縣騷然新津縣令陳及之疏諫昶嘉其言
賜白金百兩然采擇不止于是後宮位號十有四品
昭儀昭容昭華保芳保香保衣安宸安蹕安情修
容修媛修中涓等秩比公卿大夫士
八年九月寧江軍節度使張公鐸卒鐸太原平樂人
涉獵文史爲政清嚴民受其賜及卒昶哭曰嚴而不
猛清而不虐張公而已

九年八月司徒趙季良卒季良字德彰濟陰人諡文

肅十年八月諸王宮侍讀劉保又卒又青州人治尚
書左氏性嚴急日施檟楚于諸王及昶諸子乳媪密
令諭之保又曰膏梁之性不撻之則他日爲豚犬耳
八月漢州奏西水縣令范羲死其子文通居喪以孝
聞有盜發羲家羣虎逐之文廬于墓側虎見之通弭
耳而去賜羊酒束帛以旌之是歲漢高祖卽位改元
天福

十一年十二月宋王趙廷隱卒廷隱開封人

十二年八月昶游浣花是時蜀中百姓富庶夾江皆
剏亭榭游賞之處都人士女傾城游玩珠翠綺羅名

花異香馥郁森列昶御龍舟觀水嬉上下十里人望之如神仙之境昶曰曲江金殿鎖千門殆未及此兵部尚書王廷珪賦曰十字水中分島嶼數重花外見樓臺昶稱善久之十月召百官宴芳林園賞紅梔花此花青城山中進三粒子種之而成其花六出而紅清香如梅當時最重之十一月漢兵陷鳳翔王景崇自焚死

十三年五月昶第三子元寶卒年七歲昶因此乃封弟仁殷爲夔王仁資爲雅王仁裕爲彭王仁操爲嘉王子元鼎爲秦王判六軍諸衛事元珪爲褒王元寶

幼而奇異既亂誦詩書萬言昶悲悼不已乃下詔封爲遂王贈青城大都督九月令城上植芙蓉盡以幪幪遮護是時蜀中久安賦役俱省斗米三錢城中之人子弟不識稻麥之苗以笋芋俱生于林木之上蓋未嘗出至郊外也村落閭巷之間絃管歌聲合筵社會晝夜相接府庫之積無一絲一粒入于中原所以財幣充寔城上盡種芙蓉九月間盛開望之皆如綿綉昶謂左右曰自古以蜀爲錦城今日觀之眞錦城也十一月左承歐陽彬卒彬字齊美衡上人博學能文昶以爲嘉州刺史喜曰青山綠水中爲二千石

作詩飲酒爲風月主人豈不嘉哉

十四年春周高祖卽位改元廣順三月宴後苑放士庶入觀時俳優有唱康老子者昶問李昊等其曲所出昊不能對徐光溥曰康老而無子故制此曲

唐英按老子卽長安富家子開元中落拓不事生業好與梨園樂工游一旦家資蕩盡窮悴而卒樂工歎之因爲此曲又一名曰得至寶光溥不知而妄對

四月太子太傅致仕王處回卒回字亞賢彭城人初有道士朱桃椎謁之于堦前以劔撥土取花子三粒

種之須臾成花三朵謂處回曰此仙人旌節花公富貴之兆處回後歷三鎮果如其言性寬厚愛養士家資巨萬初幼時相者周元豹見之曰此寶精也當大富故處回積鏹比內藏三之二

十五年正月下詔勸農三月以趙廷隱別墅爲崇勳園幅幘十餘里臺榭亭沼窮極奢侈六月朔宴教坊俳優作灌口神隊二龍戰鬥之象須臾天地昏暗大雨雹明日灌口奏岷江大漲鎖塞龍處鐵柱頻撼其夕大水漂城壞延秋門深丈餘溺數千家擢司天監及太廟令宰相范仁恕禱青羊觀又遣使往灌州下

詔罪已十一月地震十二月天雨毛

十六年三月地震五月端午昶侍其母游凌波殿競

渡

前蜀宣華苑也

八月以翰林學士范禹偁兼簡州刺史偁

九隴人父虔爲衙吏禹偁少落拓鬪雞走狗隨母改

適張氏因冒姓張有道士謂曰子骨法異常若讀書

他日必大貴遂入丹景山從師苦學天成中登第始

復姓上郡守啓曰昔年上帝悞標張祿之名今日故

園復作范睢之裔知祥以爲榮陽令召入侍太子昶

嗣位累遷翰林學士性吝嗇好聚財求守外郡昶不

欲其出令兼簡州刺史乃召陽安白直至成都歲令

輸錢數千緡三掌貢舉賄厚者登高科面評其直無

有愧色馮贊堯爲布衣交家貧無資終不放登第後

從昶歸朝爲鴻臚卿有門生白陽城至相見甚歡延

話終日乃曰吾近鑿一井水甚甘乃各飲一杯竟不

設具鄙嗇如此九月有鸚鵡集瑞鼎門觀者以爲不

祥

十七年周世宗卽位改元顯德

十九年正月大赦賜民今年夏租以周師出境也

二十年六月周世宗歸吾秦鳳之俘昶遣使致書謝

稱大蜀皇帝世宗不答昶曰朕郊祀天地稱天子時

爾方鼠竊作賊何得相薄耶十二月旌表蓬州縣孝子程崇雅門以割股啗父及泣竹林而得冬笋以療母疾也

二十一年十二月天雨血

二十三年正月人日昶謁和陵正月龍見玉壘關時藝祖皇帝建隆元年也十一月宰相李昊請對言曰臣觀太宗啓運不類漢周天厭亂久矣一統天下其在此乎若通職貢亦保安三蜀之長策也昶曰卿且去朕徐自圖之昊字窮佐唐相紳後王師來伐昊勸封府庫以降太祖知其始有歸國之謀拜工部尚書

賜宅一區其妻劉氏至夷陵卒昊追感亦卒年七十二贈左僕射昊事前後蜀五十年資貨巨萬奢侈踰度妓妾數百嘗讀王愷石崇傳笑曰窮儉乞兒以此爲富可笑可笑 王衍及昶降表皆昊爲之蜀人鄙其所爲夜書其門曰世修降表李家

十二月太后夢青衣神言是宮中衛聖龍神乞出居于外乃于招覺寺廡下建堂自內引出置于寺中識者以爲不祥

二十四年十月漢州什邡縣井中有火龍騰空而去昶書兆民賴之四字悞以兆爲趙十一月民訛言國

家東遷于天水皆不祥也

二十五年正月以元喆爲太子元喆字遵聖昶長子歸朝受泰寧節度知貝州封騰國公知滑州滁州卒年二十九弟元珽入朝爲統軍卒二月壁州白石縣巨蛇見長百丈餘徑八九尺三月王師平荆湘昶懼將發使朝貢樞密使王昭遠固止之

二十六年四月遂州方義縣雨雹大如斗五十里內飛鳥六畜皆死

二十七年春昶遣使賁昂書通好于太原尊劉鈞爲天子至境上爲疆吏所獲大祖命王全斌顧彥進等

六將由鳳州路劉光乂等二將由夔州路領兵來討遣昭遠趙崇韜韓保正李珪率兵拒戰昶謂昭遠曰今日之師皆卿所召勉力爲朕立功命宰相李昊等餞于城外昭遠酒酣攘臂言曰此行非止克敵當領此雕面惡少數萬人取中原如反掌及行執鐵如意指搗諸將自比孔明人竊笑之十二月王師至興州所在不戰而下遂拔利州崇韜布陣將戰昭遠據胡牀不能起免胄而逃爲追騎所獲昶大懼出金帛募兵令元喆統之守劔門成都震恐皆怨昭遠召禍而恨誅之不速也昭遠成都人依東郭院僧爲小沙彌

知祥飯僧見其惠點留給侍視左右累遷捲簾使通
奏使知樞密院未幾卽至山南巡邊至汶州見古冢
有屍如生誌云大中年汶州步軍都虞侯文和之墓
命判官文谷作文重葬之夢文和謂曰吾已爲太乙
真人侍者子當有兵刀之厄旣能葬吾可以免禍至
是爲王師所獲至闕下太祖詰曰汝何誘昶而結劉
鈞昭遠曰臣愚無知但忠于本國耳太祖釋之以爲
領軍大將軍開寶中卒

二十八年正月王師陷夔州節度使高彥儔自焚死
彥儔太原人是月劔門不守元喆奔還問計于左右
老將石贇曰北軍遠來勢不能久可堅壁以老之昶
沉吟久之乃彈指歎曰吾父以豐衣美食養兵四十
年無一人爲吾東向發一箭今若閉壘誰肯効命乃
遣通奏使伊審微賫表詣魏城乞降其表畧曰臣生
自并州長于蜀土幸以先人之基構得從幼歲以纂
承只知四序之推移不識三靈之改卜伏自皇帝陛
下大明出震聖德居尊聲教被于遐荒慶澤流于中
夏當凝旒正殿虧以小事大之儀及告類圜邱曠執
贄奉琛之禮蓋蜀地居遐僻路阻闕庭已慚先見之
明因有後時之責今則皇威電赫聖畧風馳干戈所

指前徒鞶鼓纔臨而自潰山河郡縣半入于堤封將卒倉儲盡歸于圖藉但念臣中外骨肉二百餘人高堂有親七十非遠弱齡侍奉只在庭闈日承訓撫之恩粗勤孝養之道實願克終甘旨保此衰年其次得子孫之團圓守血食之祭祀伏乞皇帝陛下容之如地蓋之如天特軫仁慈以寬危辱臣敢輒徵故事上瀆嚴聰竊念劉禪有安樂之封叔保有長城之號皆因歸款盡獲全生顧眇昧之餘魂得保家而爲幸庶使先人寢廟不爲樵採之場老母庭除尙有問安之所見今保全府庫巡過軍城不使毀傷將期臨照

宜利謹率文武見任官望闕上表歸命全贊至昇仙橋永備亡國之禮見于軍門全贊承制釋罪翌日舉族并其官屬詣闕自眉陽乘舟至荊州出安陸太祖遣使迎勞并遺其母湯藥五月至京素熙待罪赦之封秦國公時乾得三年也錄其子弟舊臣僅百人頒皇朝日歷是歲卒年四十七追封楚王謚恭惠葬洛陽昶幼聰悟才辦自襲位頗勤于政邊境不聳國內阜安其後用王昭遠韓保正掌軍國事其母謂曰如昭遠者始以微賤事汝左右保正世祿素不知兵一旦邊境有急此輩制敵必先敗衄惟高彥儔是汝父

故人可以委任昶不能用及卒其母不哭以酒酬地
曰汝不用吾言不死社稷貪生以至今日吾所以不
死者以汝在汝既死吾何用生爲因不食亦卒先是
蜀人質錢取息者將徙居必書其門曰召主收贖周
世宗先欲平蜀而不果至太祖始克之蜀未亡前一
年歲除日昶令學士辛寅遜題桃符板于寢門以其
詞工昶命筆自題云新年納餘慶佳節賀長春蜀平
朝廷以呂餘慶知成都長春乃太祖誕聖節名也其
符合如此昶之行萬民擁道哭聲動地昶以袂掩面
而哭自二江至眉州沿路百姓勸絕者數百人蓋與

王衍不同耳

黃松子曰知祥以戚里之親領三蜀之寄館留宮
中覺居臥內其恩可謂隆矣及明宗卽位重誨專
政始構疑貳遂變誠節擅誅李嚴專留季良遂結
董璋攻遂問其跋扈之心著矣議者以王子孟僭竊
其惡均一予以建之不臣猶有可恕嘗論之于前
矣知祥使未臣于後唐托蔭之援階將相之貴故
當勤王戮力爲國藩輔而乃儻然自帝不復顧忌
跡其素心真亂臣賊子也昶戒王衍驕淫荒佚之
失孜孜求治與民休息雖刑罰稍峻而不致酷虐

人頗安之然不識天時用庸臣之謀結并州之援此至愚極昏者之所不為而和為之固宜誅之無赦及王師弔伐能翻然束手歸命生享大國之封死有真王之贈子孫俱享厚祿太祖皇帝真有恩于降虜哉

蜀檇卷下終

蜀檇後敘

治平四年夏六月兩當縣鄧君惟良顯甫自京師歸傳殿中侍御史裏行張唐英汝功前在閬中監征時所編蜀檇二卷予嘗得而觀之其編年敘事之體若荀悅漢紀之例至于褒貶善惡本未貫穿駸駸乎馳于漢魏作者之間有古良史風正召試秘閣在神宗時上大木災異書時政十四事又在英宗朝上慎始書水災封事二道皆究極乎治亂之變而探索乎天人之際今天子特排羣議而擢為御史以其勇于敢言也汝功舊有國體論十卷唐史誅奸發潛論五

卷總要監今論五卷滄南集十卷補楚書十三篇樂府歌詩千餘篇皆秘而不傳于人而是編最後出顯甫好事密購以歸予因錄行之昔人得王充論衡藏之以自衍其辨豈予之志哉陸堅迥

妊娠之理以經定以十月爲正產者尚以間有過期者蓋古之賢聖之生如此然聞其語未見其人也比年以來妊之過產者遠者不得而知近在燕趙間時復有之方妊之初也信其爲妊及其過產則反疑其非妊也問之產媪則曰未之見也問之名醫則曰出月出月者貴問之方士則曰妖也以妖治之問之庸醫則曰病也以病治之二者俱失至有母子俱不救者旣而方知其妊也雖悔其可追耶余聞之甚可悼矣恨無可考之方以破其惑也一日遇醫公李寧家示一書曰產育寶慶集披讀一二蓋采備李師聖

郭稽中楊子建輩之所編集至生產篇云婦人懷胎
有七月八月九月十月而產者亦有經一年至二十
四年五年而後產者蓋人之生陰注陽定自有時日
不可改移今獨限以十月似爲未盡讀不終篇不覺
屢嘆惜乎此書在世希有若能廣傳使天下共知則
人生安得罹殤天之禍乎意謂婦人方經雖多而產
書難其全者若是一或廢失世間必不復有也因問
誰氏之書公曰外郎楊士表所秘藏也輒親往謁告
以情實求之忻然見許遂得原書印本方議刊行公
曰此止一產書也若更將御藥院雜病方論并八月

產圖體元子借地法安產藏衣方位附之合爲一集
可爲完書矣余喜從之猶恐有錯謬未盡者更命諸
名醫復加校正余謂公曰書則完矣當如之何矣叅
謀周德甫聞之毅然贊成遂命工刊行自今以始庶
令妊婦得安產媪無失家自可以修藥人自可以爲
醫來者可知而傳之愈廣矣冀致君片

高來客河映而斷之命瀕矣莫延替

命據醫安氣感無大寒自西以粉藥入自
醫由聞之燻然覺氣救命工既存自今以故
身救好五余請公曰善阻宗矣當收之於矣余
宗宗矣余喜我之誠恐言驗者未盡皆更命端
如示字辭出安氣藥亦式於則之命也

產育寶慶集卷上

宋 郭 稽 中 纂

第一論曰熱疾胎死腹中者何答曰因母患熱疾至
六七月以後藏府極熱薰灼其胎是以致死緣兒身
死冷不能自出但服黑神散煖其胎須臾胎氣温煖
即自出何以知其胎之已死但看產婦舌色青者是
其驗

黑神散

桂心 當歸 芍藥 甘草 乾薑 生地 各一兩

黑豆 炒去皮 附子 炮去皮 臍半兩

右為末每服二錢空心溫酒調下一法無附子有蒲黃

陳言評曰夫妊娠謂之重身二命係焉將理失宜皆能損胎不特病薰灼所致或因傾仆驚恐出入觸冒及素有癥瘕積聚壞胎最多候其舌青即知子死養胎論云面青舌赤母死子生青唇吐涎子母俱死又有雙懷二胎或一死一生其候尤難知是非臨期觀變未易預述不可不備述也然以黑神散溫胎未若補助產母使其氣正免致虛乏困頓胎自下矣催生丹殊勝黑神散

催生丹 治胎死腹中或產母氣乏委頓產道乾澀

蒼朮

米泔浸 二兩

桔梗

兩 陳皮 六錢

白芷

桂心

甘草

炙各三錢

當歸

川芎

炮去皮尖

乾薑

炮 厚朴

製南星

炮

附子

炮去皮臍

半夏

湯洗七次

茯苓

芍藥 各

二兩

杏仁

炒去皮尖

阿膠

炒各二錢五分

川芎

錢半

枳殼

麩炒

南木香

一錢

右為末每服一二錢溫酒下覺熱悶用新汲水

調白密服

第一論曰難產者何答曰胎側有成形塊呼為兒枕

子欲生時枕破與敗血裏其子故難產但服勝金散
逐其敗血即自生若逆生橫生並皆治之

勝金散

麝香

錢一兩用舊青布裏了燒令通紅急以乳鉢槌碎為末

右共為末取秤槌燒紅以酒淬之調下藥一錢七
陳言許曰產難不只胎側有兒枕破裏凝隨其胎
息因緣自有難易其遇橫逆多因坐草太早努力
過多兒轉未逮或已破水其血必乾致胎難轉若
先露脚謂之逆先露手謂之橫法當以微針刺之
使自縮入即服神應黑散以固其血必自轉生養

生方云倉皇之間兩命所係不可不廣傳蓋贊黑
散之功也或以鹽搽兒脚底抓搔之

神應黑散 治橫生逆生難產

百草霜

香白芷

各等分

右為末每服二錢童子小便好醋各一茶脚許
調勻更以沸湯浸四五分服止一服見功甚者
再服即分娩矣一名烏金散

第三論曰胎衣不下者何答曰母生子訖血流入衣
中衣為血所脹是故不得下治之稍變張滿腹中以
次上衝心胸疼痛喘急者難治但服奪命丹以速去

衣中之血血散消脹胎衣自下而無所患

奪命丹

附子半兩炮去皮臍 牡丹皮一兩 乾漆一分搗碎炒煙盡

右為末醋一升大黃末一兩同熬成膏和藥丸

如桐子大温酒下五七丸不以時

牛膝湯 治產兒已出胞衣不下臍腹堅脹急痛

甚及子死腹中不得出

牛膝酒浸 瞿麥各四兩 滑石八兩 當歸酒浸

木通各六兩 葵子五兩

按陳言第三論評闕

第四論曰產後血暈悶者何答曰產後氣血暴虛未得安靜血隨氣上迷亂心神故眼前生花極甚者令人悶絕不知人口噤神昏氣冷醫者不識呼為暗風若作此治之病必難愈但服清魂散即愈

澤蘭葉 人參各一分 荆芥穗一兩 川芎半兩

右為末温酒熱湯各半盞調一錢急灌之下咽即

開眼氣定省人事

陳言評曰產後眩暈頃刻害人須量虛實為治若胸中宿有痰飲阻病不除產後多致眩暈又血盛

氣弱氣不使血逆而上攻此等皆非清魂可療仍用半夏茯苓湯血壅須用牡丹皮散但駛藥尤難輒用當識輕重所謂擾乎可擾擾亦無擾若氣血平人同去血多致暈者芎藭湯尤佳

半夏茯苓湯

半夏湯洗三兩 茯苓 熟地各一兩 陳皮 細辛

蘇葉 川芎 人參 芍藥 桔梗 甘草各六錢

右咬咀每服四大錢水二盞薑七片煎七分去渣空心服有客熱煩渴口生瘡者去陳皮細辛加前胡知母腹冷下利者去地黄入桂心炒胃

中虛熱大便秘小便澹加大黃一兩八錢去地黃加黃芩六錢

牡丹皮散 治產後血暈悶絕狼狽若口噤則拗開灌之必效

牡丹皮 大黃蒸 芒硝各一兩 冬瓜子半合

桃仁三十七粒去皮尖

右咬咀每服五錢水三盞煎至一盞半去渣入芒硝再煎分二服欲產先煎下以備緩急金匱以此治腸癰但分兩少異

芎藭方在第十三論

第五論曰產後口乾痞悶者何答曰產後榮衛大虛血氣未定食麪太早胃不能消化麪毒結聚於胃脘上薰胸中是以口乾煩渴心下痞悶醫者不識認爲胸膈壅滯以藥下之萬不得一但服見現丸見現丸

薑黃 京三稜 萆澄茄 陳皮去白 高良薑 人參 蓬莪茂

右七味等分爲末用細切蘿蔔漫火煮令爛研細將汁煮糊丸桐子大蘿蔔湯下三十丸不以時陳言評同產後口乾痞悶未必只因食麪或產母

內積憂煩外傷躁熱飲食甘辛使口乾痞悶當隨其所因調之可也煩心宜四物湯去地黃加人參烏梅煎若外傷燥熱看病何經當隨經爲治難以脩舉飲食所傷見現丸却能作效四物湯方見第六論

第六論曰產後乍寒乍熱者何答曰陰陽不和敗血不散皆令乍寒乍熱產後血氣虛損陰陽不和陰勝則乍寒陽勝則乍熱陰陽相乘則或寒或熱若因產勞傷藏府血弱不得宣越故令敗血不散入於肺則熱入於脾則寒醫人若誤作瘧疾治之則繆矣陰陽不和宜增損四物湯敗血不散宜奪命丹又問二者

以何別答曰時有刺痛者敗血也但寒熱無他證者
陰陽不和也增損四物湯不一皆隨病加減
增損四物湯

當歸 人參 芍藥 川芎 炮薑 甘草

錢 炙四

奪命丹 方見第
三論

右咬咀每服四錢水一盞薑三片煎六分去渣熱
服

陳言評曰乍寒乍熱榮衛不和難以輕議若其敗
血不散豈止入脾肺二藏耶大抵一陰閉一陽即

作寒熱陰勝故寒陽勝故熱只可云敗血循經流
入閉諸陰則寒閉諸陽則熱血氣與衛氣解則休
遇再會而復作大調經散五積散入醋煎佳
大調經散 治產後血虛惡露未消氣為敗濁凝
滯榮衛不調陰陽相乘憎寒發熱或自汗或腫滿
皆氣血未平之故也

大豆 炒去皮
一兩半 茯神 一兩 真琥珀 一錢

右為末濃煎烏頭紫蘇湯下
五積散 治感寒濕與脾胃氣閉腰腹痛及有積
聚

蒼朮 米泔浸一宿二十兩 桔梗 十兩 陳皮 六兩 白芷 一兩

甘草 炙 當歸 各二兩 川芎 一兩 芍藥 白

茯苓 半夏 湯去滑 麻黃 去節春夏二兩 秋冬三兩 乾

薑 春夏三兩 秋冬四兩 厚朴 薑製炒 枳殼 桂 分兩 原

右先將前十二味咬咀微炒令香取出當風涼

之入後枳殼桂朴三味同為細末每服三錢水

一盞薑三片棗二枚煎七分食前溫服產婦陣

疎難產經二三日不生胎死腹中或產母氣乏

委頓產道乾澁加順元散水七分酒三分煎相

繼兩服氣血內和即產胎死者不過三服當下

其順元散量產母虛實加減

順元散

烏頭 炮去皮尖二兩 附子 炮去皮尖 天南星 炮各一兩

木香 半兩

右為末同煎法煎此藥治內外感寒脈沉伏遲細手足冷毛髮拘慄傷寒陰症大噉一二杯氣和汗出即愈

第七論曰產後四肢浮腫者何答曰產後敗血乘血傳積于五臟循經流入于四肢流淫日深却還不得腐壞如故令四肢面目浮腫醫人不識便作水氣

治之凡治水腫多用導水藥極能虛人夫產後既虛
又以藥虛之是為重虛往往多致天枉但服調經散
血行腫消即愈

調經散

沒藥

另研

琥珀

另研

桂心

赤芍藥

當歸

細辛

麝香

另研各半錢

為末每服半錢用生薑汁溫酒各少許調勻服
陳言評曰產後浮腫多端有自懷孕腫至產後不
退者有產後失於將理外感風寒暑濕內作喜怒
驚憂血與氣搏留滯經絡氣分血分不可不辨要

當隨所因脈證治之宜得其情調經散治血分固
效但力淺難憑不若吳茱萸湯枳實湯奪魄散大
調經散皆要藥也

加減吳茱萸湯

治婦人藏氣本虛夙挾風冷胸

膈滿痛腰脇絞刺嘔吐惡心飲食減少身面虛浮
惡寒戰慄或泄利不止少氣羸困及因生產藏氣
暴虛邪冷內勝宿疾轉甚

吳茱萸

湯洗七次炒一兩半

桔梗

甘草

乾薑

麥冬

去心

防風

細辛

當歸

酒洗

半夏

湯洗

七次

茯苓

丹皮

桂心

各半兩

右吹咀每服四錢水盞半煎七分去渣空心熱服

枳實湯 治心下堅大如盤邊如旋盤水飲所作

名曰氣分

枳實麩炒去瓢 白朮一兩

右吹咀每服四錢水盞半煎七分去渣溫服腹

中軟即散

奪魄散 治婦人產後虛腫喘促利便即愈

生薑取汁 白麵各三兩 半夏七個湯洗去滑

右以生薑汁溲麵裹半夏為七餅子炙焦熟為

末熱水調一錢小便利為效

大調經散 最治產後腫滿喘急煩渴小便不利

方見第六論

第八論曰產後乍見鬼神者何答曰心主身之血脉因產傷耗血脉心氣則虛敗血停積上干于心心不受觸遂致心中煩燥起卧不安乍見鬼神言語顛倒醫工不識呼為風邪如此治之必不得愈但服調經散每服加生龍腦一捻得睡即安

調經散方見第七論

按陳言第八論評闕

第九論曰產後不語者何答曰人心

後血氣弱多致停積敗血閉于心竅神志不能明了

又心氣通于舌心氣閉塞則舌亦強矣故令不語如

此但服七珍散

七珍散

人參 石菖蒲 川芎 熟乾地黄 各一兩 細辛

一兩 防風 硃砂 研各半兩

石為末每服一錢薄荷湯調下不以時

按陳言第九論評闕

第十論曰產後腹痛又瀉利者何答曰產後腸胃虛

怯寒邪易侵若未滿月飲冷當風乘虛入流于膏膜

散于腸脇故腹痛作陣或如錐刀所刺流入大腸水

穀不化洞泄腸鳴或下赤白眩脇脹或走痛不定

急服調中湯立愈若醫者以為積滯攻之則禍不旋

踵謹之

調中湯

良薑 當歸 桂心 芍藥 附子 炮 川芎 各

兩 甘草 炙五錢

右咬咀每服三錢七水三盞煎一盞去渣熱服

陳言評曰產後下利非止一證當隨所因而調之

既云飲冷當何所不至寒熱風濕本屬外因喜怒
憂思還從自性况勞逸飢飽皆能致病若其洞泄
可服調中赤白帶下非此能愈各隨門數別有正
方今錄桃膠散白頭翁湯以備用餘從滯下門中
選用之

沉香桃膠散 治產後利下赤白裏結後重疔刺
疼痛等證

桃膠

瓦上焙乾

沉香

蒲黃

紙隔炒各等分

右爲末每服二錢陳米飲調下空心服

白頭翁湯 治產後下利虛極

白頭翁

甘草

阿膠

各二兩

黃連

藥皮

去粗

秦皮

去粗皮各三兩

石以咀每服四錢水一盞半煎七分去渣空心

服

第十一論曰產後遍身疼痛者何答曰產後百節開
張血脉流走遇氣弱則經絡肉分之間血多留滯累
日不散則骨節不利筋脉引急故腰背不得轉側手
脚不能動搖身熱頭痛也若醫以爲傷寒治之則汗
出而筋動動使手足寒冷變生他病但服趨痛散以
熱除之

越痛散

牛膝

當歸

桂

去皮

白木

黃耆

獨活

生

薑

各五錢

薤白

甘草

各一分

右為粗末每服半兩水五盞煎至二盞去滓熱服

陳言評曰越痛散不特治產後氣弱血滯兼能治太陽經感風頭疼腰背痛自汗發熱若其感寒傷食憂恐驚怒皆致身腫發熱頭痛况有蓐勞諸證尤甚越痛散皆不能療不若五積散入醋煎用却不妨

第十二論曰產後大便秘澀者何答曰產後卧水血

俱下腸胃虛竭津液不足是以大便秘澀不通也若過五六日腹中悶脹者此有燥糞在藏府以其乾澀未能出耳宜服麻仁丸以津潤之若誤以為有熱而投之以寒藥則陽消陰長變動而出性命危也

麻仁丸

麻仁

研

枳殼

炙

人參

大黃

各半兩

右為末鍊蜜丸梧桐子大空心温湯下二十九丸未通加丸數

陳言評曰產後不得利利者百無一生去血過多藏燥大便秘澀則固當滑之大黃似難輕用惟葱

涎調蠟茶爲丸復以葱茶下之必通

阿膠枳殼丸 治產後虛羸大便秘澀

阿膠

枳殼

麩炒去
瓤等分

右爲末蜜丸如梧桐子大別研滑石爲衣溫酒
下二十九半日來未通再服

第十三論曰產後血崩者何答曰產卧傷耗經絡未
得平復而勞役損動致血暴崩下淋漓不止或因鹹
酸不節傷蠹榮衛氣衰血弱亦變崩中若小腹滿痛
肝經已壞爲難治急服固經丸以止之

固經丸

艾葉

赤石脂

補骨脂

炒

木賊

各半
兩

附子

一枝炮
去皮臍

右爲末陳米飲和丸桐子大食前溫酒下二十九
米飲亦得

陳言評曰血崩不是輕病况產後有此是謂重傷
恐不止鹹酸不節而能致之多因憂驚恐恚藏氣
不平或產後服斷血藥早致惡血不散鬱滿作堅
亦成崩中固經丸似難責效不若大料煮芎藭當
歸加芍藥湯候定續次隨證合諸藥治之爲得
芎藭散 治產後去血過多暈悶不省及傷胎去

血多不止懸虛心煩眩暈頭重日昏耳聾舉頭欲

倒諸證

芎藭

當歸

洗去土焙乾各等分

右剉為散每四錢水一盞半煎七分去渣熱服

第十四論曰產後腹脹悶滿嘔吐不定者何答曰血散於脾胃脾受之不能運化精微而成腹脹胃受之則不得受納水穀而生吐逆醫者不識若以尋常治脹止吐藥療之病與藥不相干轉更傷動正氣疾愈難治但服抵勝湯必瘥

抵勝湯

赤芍藥

半夏

湯洗七次

澤蘭葉

人參

陳皮各

錢甘草

炙一錢

右以咀作一劑水三碗薑半兩煎至兩盞去渣服

按陳言第十四論評闕

第十五論曰產後口鼻黑氣起及鼻衄者何答曰陽明者經脈之海起于鼻交頰中還出頰口交人中左之右右之左產後氣消血散榮衛不理散亂入于諸經却還不得故令口鼻黑起及變黑衄此緣產後虛熱變生此疾其疾不可治名曰胃絕肺敗不出方

按陳言第十五論評闕

第十六論曰產後喉中氣急喘者何答曰榮者血也衛者氣也榮行脉中衛行脉外相隨上下謂之榮衛因產所下過多榮血暴竭衛氣無主獨聚于肺中故令喘也此名孤陽絕陰為難治若惡露不快敗血停凝上薰于肺亦令喘急如此但服奪命丹血出喘息自定

奪命丹 方見第三論

陳言評曰產後喘急固可畏若是敗血上薰于肺猶可責效奪命丹若感風寒或因憂怒飲食鹹冷等奪命丹未可均濟况孤陽絕陰乎若榮血暴絕

宜大料煮芎藭湯亦自可救傷風寒宜旋覆花湯

性理鬱發宜小調經散用桑白皮杏仁煎湯調下

傷食宜見現丸五積散

見現丸見第五論五積散見第六論芎藭湯見第十

三論小調經散闕或即第七論中調經散

旋覆花湯 治產後傷感風寒暑溼咳嗽喘滿痰

涎壅塞坐卧不安寧

旋覆花 赤芍藥 半夏 前胡 麻黃 去根

節 荆芥穗 五味子 甘草 茯苓 杏仁

各等分

右吹咀每服四錢水一盞半薑五片棗一個煎七

分去渣空心服

第十七論曰產後中風者何答曰產後五七日內強力下牀或一月之內傷于房室或懷憂發怒擾蕩冲和或因著灸傷動藏府得病之初眼澀口噤肌肉瞶搖以漸腰脊筋急強直者不可治此人作非偶爾中風所得也

陳言評曰問產後中風風是外邪血虛則或有中之者宜答以人作不可治問答不相領解如何開示後人立論之難有如此者若是中風當以脈辨看在何藏依經調之強力下牀月內房室憂愁着

灸非中風類薛勞性氣火邪治各有法非產後病不暇無引學者識之

第十八論曰產後心痛者何答曰心者血之主人有伏宿寒因產大虛寒搏于血血凝不得消散其氣逆上衝繫於心之絡脉故心痛但以大巖蜜湯治之寒去則血脉温而經絡通心痛自止若誤以爲所傷療之則虛極寒益甚矣心絡寒甚傳之正經則變爲真心痛朝發夕死夕發朝死藥不可輕用如此
大巖蜜湯

熟地

當歸

獨活

吳茱萸

湯泡

乾薑

炮

芍藥 桂心 甘草 炙 小草 各一兩 細辛 半兩

右剉為散每服半兩水三大盞煎至一盞渣微熱服

陳言評曰產後心痛雖非產蓐常痛庸或有之凡痛未必便是血痛設是巖蜜湯豈可用熟地黃等藥泥血安能去痛此方本出千金用生乾地黃吳茱萸一升合准五兩乾薑三兩細辛治陳寒在下焦方本一兩却減作半兩制奇偶量病淺深自有品數不可妄意加減然以巖蜜湯治血痛不若失笑散用之更效

失笑散 治心腹痛欲死百藥不效服此頓愈

五靈脂 微炒各等分 蒲黃

右為細末先用醋調二盞熬成膏入水一盞煎七分食前熱服

第十九論曰產後熱悶氣上轉為脚氣者何答曰產卧血虛生熱復因春夏取涼過多地之蒸濕因足履之所以着而為脚氣其狀熱悶癢癢驚悸心煩嘔吐氣上皆其候也服小續命湯兩三劑必愈若醫者誤以逐敗血藥攻之敗血去而疾益增劇

小續命湯

麻黃去節湯泡 防已 人參 黃芩 桂心 甘草

炙白芍 川芎各一兩 杏仁一兩泡去皮火炒 附子一枚

泡去皮臍 防風半兩

右剉為散每服四大錢水一盞半薑七片棗二個煎七分去渣不拘時服

陳言評曰脚氣固是常病未聞產後能轉為者往徃讀千金見產婦多此疾之語便出是證文辭害意可槩見矣是熱悶氣上如何令服續命湯此藥本主少陽經中風非均治諸經脚氣須要依脚氣方論陰陽經絡調之此涉專門未易輕論既非

產後要病更不繁引

第二十論曰產後汗出多而變瘧風者何答曰產後血虛腠理不密故多汗因遇風邪搏之則變瘧風也瘧者口噤不開背強而直或發癩狀搖頭馬鳴身反折須臾復發氣息如絲宜速斡口灌小續命湯稍緩即汗出如兩手拭不及者不可治

小續命湯見第十卷九篇

陳言評曰產後汗出多變瘧風亦令服續命湯此又難信既汗多如何更服麻黃官桂防已黃芩輩不若大豆紫湯為佳大醫局方大聖散亦良藥也

大豆紫湯 治中風頭眩惡風治汗吐冷水及產後有病中風痲痺背強口噤直視煩熱

獨活 一兩 大豆 半升 酒 三升

右先浸獨活煎一二沸別炒大豆極焦烟出急投酒密封候冷去豆每服一二合許得少汗則愈日數十服此湯能去風消血結如妊娠振傷胎死腹中服此得瘥

大聖散 方闕

第二十一論曰產後所下過多虛極生風者何答曰婦人以榮血為主因產血下太多氣無所主唇青肉

冷汗出目眩神昏命在須臾此但虛極生風也如此急服濟危上丹神良若以風藥治之則誤矣
濟危上丹

乳香 五靈脂 硫黃 研 大陰元精石 研 陳

皮 去白 桑寄生 真阿膠 炙 卷柏 生等

右將上四味同研勻石器內微火上炒勿令焦再研極細後入餘藥末用地黃汁糊丸梧桐子大產後温酒下二十九當歸酒亦得

陳言評曰所下過多傷損虛竭少氣唇青肉冷汗出神昏此皆虛脫證何以謂之生風風是外淫必

自感冒中傷經絡然後發動藏府豈能自生風也
風虛之說蓋因脉經云浮為風為虛此乃兩病合
說在人迎則為風在氣口則為虛後學無識便謂
風虛是一病謬濫之甚學者當知

產育寶慶集卷下
宋 郭 稽 中 纂
產乳備要
婉乳大故方書浩博自非素習誰能適從危殆之間
頗艱應用今採摭諸方論中將護要法及預備經效
要用湯藥名曰產乳備要務從簡易以救倉卒
凡產婦合要備急湯藥並須預先修合題號恐臨時
倉卒難致臨月慎勿多飲酒即依產圖方位擇深靜
房室入月一日即貼借地法于房內北壁薰令香潔
安產藏衣方位

此與太平聖惠方同但彼以支言而此以干言故兩存之

正月丙位安產吉 壬位藏衣吉 丁天德藏衣吉
二月甲位安產吉 庚位藏衣吉 坤天德藏衣吉
三月壬位安產吉 丙位藏衣吉 壬天德藏衣吉
四月庚位安產吉 甲位藏衣吉 辛天德藏衣吉
五月丙位安產吉 壬位藏衣吉 乾天德藏衣吉
六月甲位安產吉 庚位藏衣吉 甲天德藏衣吉
七月壬位安產吉 丙位藏衣吉 癸天德藏衣吉
八月庚位安產吉 甲位藏衣吉 艮天德藏衣吉
九月丙位安產吉 壬位藏衣吉 丙天德藏衣吉
十月甲位安產吉 庚位藏衣吉 乙天德藏衣吉

十一月壬位安產吉 丙位藏衣吉 巽天德藏衣吉
十二月庚位安產吉 甲位藏衣吉 庚天德藏衣吉
凡欲生產切不得喧鬧產婦房門常須關閉選一年
高性和善產婆又選穩審謹慎家人一兩人扶持切
不用揮霍致令產婦憂恐又忌閑雜外人喪孝穢濁
之人瞻視若不慎之定是難產小兒若干腹中痛來
但令扶行或行不得且立候行得便行或痛作陣眼
中如火生此是兒回轉卽進琥珀散一服直至行不
得卽扶上蓐草務要產婦惜力或心中熱悶取白密
一匙新汲水調下或未解卽吞生鷄子一枚

琥珀散 治產後惡露不盡結聚小腹疼痛

琥珀兩半 當歸三分剉 沒藥半斤 青橘皮半兩湯浸

去白 赤芍藥兩半 木香兩半 桂心兩半 香附子

兩一

右藥搗細為散不計時候以豆淋酒調下一錢

若產後心空但時與琥珀散一服或煎芍藥湯進之

更不用他治常進溫粥慎勿與熱食食熱則滯血或

三五日內但覺腹中攣痛兒枕未定即進定痛散二

服

芍藥湯 治產後因血不快利氣上攻心腹疼痛

芍藥兩二 黃耆剉 白芷 人參 芍藥切 生

乾地黄焙 甘草炙各 白茯苓去黑皮

右為粗末每服三錢七水一盞煎取七分去渣入

少許溫服不拘時候

芍藥湯 治產後虛乏不思飲食四肢昏倦心腹陣

痛補虛治氣

當歸一兩半切焙 人參 肉桂 生薑後入 甘草炙

兩一 芍藥兩一

右為末每服三錢水二盞入棗二枚煎至一盞去

滓溫服日三次

定痛散 治產後惡血不止腹內熱痛不可忍及兒枕未定

當歸切 芍藥各二兩 桂心一兩或以川芎代之

右為末每服二錢水酒共一盞生薑一塊彈子大拍破同煎至六分去滓溫服

夫人生產自有時候痛不甚者名曰試痛宜須強行熟忍宜食軟飯若食飯不得即宜食粥及飲蜜漿勿令飢渴恐產婦無力困乏若經時不產進通靈散一服若生畢暖少許醋墨與呷以童子小便調七寶散一眼心中自然開爽不住燒磚石以醋沃之直至七

日要令產婦鼻中常聞醋氣宜燒茅香白朮皂莢等物慎勿令見穢惡若產訖忽覺心中昏悶或眼花如在舟車中即是血暈急須服牡丹飲子黑神散

通靈散 催生

用蛇蛻皮一條全者緊捲以蚯蚓泥裹燒黑近藥處泥些少用不妨細研為末每服一錢溫酒

調下

又方 治產後惡血不下兒枕不散小腹疼痛

細墨濃研半盞 好醋半盞 沒藥一分

右用童子小便少許同煎五七沸溫服不拘時候

七寶散 治初產後勻血和氣補虛壓驚悸

硃砂研如粉 桂心 乾薑炮 當歸切 川芎

人參 羚羊角灰 茯苓各等分

右各杵為細末若產婦平和三臘以前直至滿月每日各取一小匙以羌活豆淋酒調下空心服若覺心胸煩熱即減薑桂不即加之腹痛加當歸心悶加羚羊角心中虛氣加桂不下食或惡心加人參虛戰加茯苓以意斟酌日二夜一服酒者以童便溫調下

牡丹飲子 方缺

黑神散 防暈脩急

驢護肝不拘多少以桑柴火燒以刀刮取黑煤更刮令盡研細入真麝香少許如纔產了及覺血上衝心暈關取一錢以熱酒和童子小便調下

薑粉散 纔產服化藥盪盪兒枕除百病源

當歸 官桂不得見火 人參 茯苓 甘草 芍

藥 知母 川芎 大黃畧炒 黃耆 木香

草豆蔻 白朮 訶子 高良薑 青橘皮去瓢

熟地黃少許

右除地黃外各等分焙乾用附子一箇中橫半
 兩者炮製入衆藥生薑一片研取自然汁於碗器
 中停留一食久傾去清汁取下面粉脚攤在蕪葉
 中入焙籠焙乾共合地黃搗羅爲末纔產後用末
 三錢水一盞薑三片棗子一個擘開同煎至七分
 乘熱喫喫後自然產母睡着半日以來睡覺再服
 全除却腹痛一日只可三服至九服不可多服肚
 中冷也

當歸血竭丸 治婦人產後惡物不下結聚成塊心
 胸痞悶臍下堅痛

當歸 炒 血竭 蓬莪朮 炮 芍藥 各二兩 五

靈脂 四兩

右爲細末醋麪糊丸桐子大每服四十九溫酒下
 或溫粥飲下空心食前服

烏金散 治產後諸疾

紅芍藥 川當歸 乾薑 蒲黃 甘草 熟
 乾地黃 各一分

右各爲末別用黑豆一合炒令香熟去皮除蒲黃
 與餘藥共杵爲細末於銀器中漫火炒紫色後入
 蒲黃如產後別無疾每日服一盞豆淋酒調下更

不生諸疾若稍有不安服即愈如產後血逆心悶
腹搗痛一兩服立止

血竭散 治產後百疾

血竭 沒藥剪碎

右等分輕手研細頻篩再研取盡為度每服二錢

用小便合溫酒半大盞煎一沸溫調下纔產下一

服上床良久再服其惡血自循下行更不衝上免

生百病

保安丸 治產後三十六種冷血氣半身不遂

手脚疼諸疾並宜服之

赤茯苓去皮 牡丹皮 白芍藥各三分 吳茱萸

沉香各一分 人參去蘆 當歸洗切 桂去皮

牛膝酒浸 香白芷 木香 藁本去蘆 麻黃去根

節 川芎 附子炮去皮 細辛揀淨 蘭香葉

甘草剉 寒水石燒 防風去蘆 桔梗去蘆 蟬

殼去足翅 馬鳴退一兩 生乾地黃一兩

右為細末煉密為丸如小彈子大每日空心用溫

酒化下一丸療八風十二痺疔瘰乳房中風淋血

積聚并治胎不安子死腹中不過三丸可不死胎

生衣不出一丸便效產前產後痢并赤白帶下及

嘔逆填心疾氣煩滿一丸瘥產後或產前腹中疼
痛遶臍下如刀刺相似一丸便止盡難月可日一
服至產不覺疼痛產前傷寒中風體如板煎麻黃
湯化下一丸立效經脉不通或頻併或赤白喫食
食味瘳惡乍寒乍熱面赤唇焦手足煩疼遍身黑
點血斑一切病眼此藥悉愈每一丸細嚼宜空心
温湯送下

二聖散 治產前安胎產後惡血不盡及胎衣不下
羌活 香川芎 等分
右為細末每服二大錢酒少許水七分沸調温服

方治產後血痛如刀刺

熟乾地黄 橘皮 等分

右為末每服一錢粥飲調下尋常痛發可常服

方治產後頭痛 大全良方作膏散

大川芎為末每服二錢水一盞前至七分温服立

瘥

方治產後咳逆

石蓮 十箇炒熟 丁香 十箇

右為末用米三合煎十沸温服

方治產後咳逆不止

狗膽箇一

硝砂

丁香

五靈脂各少許

右為末以狗膽丸如白豆大每服一九生薑水磨

下

方治產後小便不通

右用蔥爛搗密調以紙花貼臍下

若三日後覺壯熱頭痛此是乳脉行即進玉露散二服或大小便秘澀或發寒熱頭痛四肢如碎此是蓐勞或產後大渴胎損吹妳咳嗽別生他疾及帶起宿患亦宜檢尋別方治之月內不宜多笑強起離床行或作針線運動恣食生硬不避風脫衣洗當時雖無

大損滿月後或成蓐勞手脚及腰腿酸重冷痛骨髓間颼颼如風吹縱有明醫卒不能療大都產婦將息須是百日方可平復大慎犯觸因此多致身體強直如角弓反張名曰蓐風遂至不救小可虛羸失於將補便成大患終身悔不及矣慎之慎之

玉露散 治產後乳脉行煩熱或大腸滯澀肌體疼

痛涼隔壓熱下乳

茯苓

人參

甘草

桔梗

白芷

川

芎

各一兩

川大黃

當歸

炒各一分

芍藥

三分

右為末每服三平錢水一盞煎至七分溫服日三

臟腑洩瀉卽除大黃水一盞煎至五分服日三

湧泉散下疝

川山甲 半兩醋浸炒令輕空 脂麻 退皮一合 胡桃 二個敲去殼湯

浸去皮 肉豆蔻 麩包火內炮令麩焦去麩不用

增損四物湯與一便良方同云治產後乍寒乍熱無

他痛處者陰陽不和只無人參

當歸 芍藥 人參 川芎 小乾薑 各一錢

草 四錢

右為末每服二錢水一盞生薑五片同煎至六分

去滓微熱服不以時

若產後四肢安和亦不用多喫酒藥緣氣虛禁持未

得卻多昏眩唯飲童子小便無妨且勿平身側卧夜

常須一人看承令豎起兩膝卧睡卽須頻喚覺虛羸

困乏無空勁心進理中丸七寶散七日外恐喫粥無味

或虛乏無力卽爛煮羊肉汁黃雌鷄汁作粥未可喫

肉亦不可喫生冷及硬物便成積滯之患常以淨黑

豆一升炒令煙出以酒五升澆淋入羌活一兩槌碎

同浸常用此酒下藥或時飲一盞大辟風邪令諸疾

不生

理中丸 方缺

七寶散 見前

方 治小兒傷食吐不止

丁香 一粒 巴豆 一個不出油只用殼 縮砂仁 五箇 大

烏梅 一箇

右為細末丸如黍米大每服二三丸煎藿香湯下

乳後服

經氣調治法

論曰經候者經脉之常候血氣運行恒久之度也陰陽愆伏則月候失常以致太過不及乍多乍少或前或後陰氣乘陽胞寒氣冷血不運行故乍少陽氣乘

陰血熱流散故乍多陰過於陽則期前來陽過於陰則期後至久則或崩漏不止斷絕不行至使面色不澤臍腹時痛久不治之漸致虛損令人斷產變生他疾皆由衝任虛弱榮衛不調之所致也婦人賦柔弱之質易感易傷氣以榮養之血以滋潤之氣行則血隨而行氣滯則血凝而窒當調其陰陽順其血氣一有偏勝則經候不調百病生矣可不慎哉
滋陰丹 養血和氣理治榮衛充盛肌膚活血注顏服大補衝仕衛順月經

熟乾地黃 生乾地黃 人參 白茯苓 各二兩

黃耆 甘菊花 枸杞子 丹參 柏子仁

大炒 白芍藥 各一兩

右為細末煉密丸如桐子大每服五十丸米飲下
空心食前日進二三服

沒藥 治婦人水經不調肌瘦發熱飲食減少

沒藥 芫蔚子 乾薑 蒼木 川芎 熟乾

地黃 白芍藥 當歸 各一兩 血竭 半兩

右除血竭沒藥外咬咀先炒芫蔚子焦黃色次下
乾薑炒令黃次下蒼木微黃色次下川芎等藥並
令微黃色與血竭沒藥等同為細末醋煮麪糊為

丸桐子大每服五六十丸漸加至八九十空心食
前溫酒或醋湯亦得日進二服

地黃膏子 治婦人本藏血氣衰乏困倦無力或發
困熱飲食減少並宜服之

熟地黃 八兩 淨密 十八兩

右將熟地黃為末同密熬成膏子丸桐子大空心
食前每服四五十丸溫酒下米飲亦得或作膏子
酒化服不飲酒白湯亦得

八珍散 調和榮衛理順陰陽滋血養氣進美飲食

當歸 川芎 白芍藥 熟地黃 人參 茯苓

甘草 炙

縮砂仁

各等分

右為粗末每服三錢水一大盞生薑七片棗三枚去核同煎三五沸去渣放溫空心日進二服

萬病丸 治婦人久虛血氣衰少怠惰嗜臥飲食不

進肌體瘦悴精神不足 十便良方名滋陰萬病丸鄭汝明產經名內補丸

熟乾地黄

當歸

各四兩

右為細末麩糊為丸桐子大空心食前每服五十

丸溫粥飲下

大保生丸 調和本氣治療諸疾滋補榮衛久服之

大有功效

人參

薈本

白茯苓

當歸

赤石脂

生

乾地黄

白芷

延胡索

肉桂

去皮

白芍藥

白薇

川芎

白朮

甘草

炙

沒藥

牡

丹皮

半兩

右為細末煉密和丸彈子大空心食前每服一丸

溫酒下

六神湯 治脾氣不和榮衛不足怠惰困倦不嗜飲

食服之補真養氣進食充肌

當歸

熟地黄

川芎

地骨皮

黃耆

白

芍藥

各一兩

右為粗末每服五錢水一盞半煎至八分去渣空心温服

當歸沒藥丸 治婦人真氣虛憊血氣極少不能榮養致使經氣不來或發寒熱飲食減少怠惰嗜卧以致勞虛

當歸剉炒

沒藥

天仙子

炒黑

乾薑炮

蒼

木炒黃

芍藥

熟乾地黄

川芎

各等分

右為細末麩糊為丸桐子大每服五十九丸温粥飲下食前服

活血散 治衝任氣虛經事不調或多或少或前或

後並皆治之

當歸

川芎

白芍藥

柴胡

各四兩

肉桂

去

右為粗末每服五六錢水一盞半煎至七分去渣

稍熱食後服

洗洗丸 治衝任不和子藏怯弱或經墮胎後元氣不復此藥常服調和衝任氣血

當歸

熟地黄

各一兩

延胡索

澤蘭葉

各一兩半

川芎

赤芍藥

白薇

人參

金釵石斛

各一兩

牡丹皮

一兩

右為細末醋麩糊為丸桐子大每服五十九空心
温酒下或粥飲亦得

加味四物湯 治婦人衝任不調臍腹疼痛月事入
時不來及衝任太過致使陰陽不和或發寒熱減食和
飲欲成勞病

當歸 地黃 芍藥 川芎 各一兩

黃芩 二錢 柴胡 兩半

右咬咀服食依前法

地髓煎丸 治婦人經氣不調虛煩發熱肌體瘦悴
形羸弱困飲食不進欲成勞病

熟乾地黃 不計多少

右為末煉密為丸桐子大每服五十九空心食前
温粥飲下

當歸地黃丸 治婦人血氣不和月事不勻腰腿疼
痛

當歸 熟地黃 川芎 白芍藥 各二兩 牡丹

皮 延胡索 各一兩 人參 黃耆 各半兩

右為末煉密和丸桐子大每服三十九米飲下食
前日二服平養氣血

滋血湯 治婦人皮聚毛落心肺俱損血脉虛弱月

水愆期益氣養血調進飲食

人參 白茯苓去皮 熟乾地黄 川芎 當歸

白芍藥 黃耆 乾山藥各一兩

右為粗末每服五錢水一盞半煎至一盞去渣服

下

滋榮丸 治婦人本經衰弱愆期不來及有血結成

塊臍下堅硬疼痛不消並宜治之

熟乾地黄 人參 五味子 赤芍藥 當歸

遠志去苗 白茯苓去皮 牡丹皮 桂心 藁

本各一兩 防風 卷柏 細辛 山藥各半兩

白朮三錢

右為細末鍊密和丸桐子大每服三十九食前空

心溫酒下日進三服

當歸良薑散 補養血氣去心腹疼悶脇助脹滿經

絡不調或赤白帶下腰脚疼痛一切痼疾

高良薑五兩 厚朴二兩去皮薑製 當歸二兩 桂去皮二兩

右為粗末每服二錢水一盞艾十葉同煎至七分

去滓食前熱服

抽刀散 治婦人心腹脇肋疼痛不忍產前後亦用

川烏頭炮去皮臍 牡丹皮 芍藥 乾薑炮 桂

心 沒藥 當歸 各等分

右為細末每服二錢熱酒調下不過三服輕可一服產後加紅花

禹餘糧散 治氣血傷衝任虛損崩傷帶漏久而不止或下如豆汁或成片如肝或五色相雜或赤白相兼臍腹冷痛面體痿黃心忪悸動發熱多汗四肢困倦飲食減少

禹餘糧 醋淬 伏龍肝 赤石脂 白龍骨 牡

蠣 烏魚骨 桂 去皮 浮石 各等分

右為末每服三錢煎烏梅湯調下食前服白多加

牡蠣龍骨烏魚骨赤多加赤石脂禹餘糧黃多加伏龍肝桂心隨痞加治

禹餘糧丸 治婦人諸病方

桂 去皮 禹餘糧 燒醋淬 龍骨 人參 紫石英

川烏頭 桑寄生 杜仲 去皮炒 五味子

遠志 去心 澤瀉 當 洗切焙 石斛 去根 菴蓉

乾薑 各二兩 川椒 去炒出汗 牡蠣 燒 甘草 炙

右為末煉密為丸桐子大每服二十九米飲下漸加至三十九日三服

五聖散 調益榮衛滋養氣血治衝任虛損月水不

調臍腹痛崩中漏下血痕塊硬發歇俱疼妊娠宿
理失宜胎動不安血下不止及產後乘虛風寒內搏
惡露不下結生痕聚小腹堅疼即作寒

當歸 熟乾地黄 川芎 白芍藥 各一兩 生

乾地黄 三兩

右為末酒煮麩糊為丸桐子大每服六七十丸食
前溫酒送下

延齡護寶丸 治婦人血藏虛損經候過多每行時
暴下不可禁止因成崩中連日不斷致五臟空虛
色瘦崩竭暫止日少復發不耐動搖小勞輒極劇此

藥但空心服大有效

禹餘糧石 二兩燒醋 龍骨 人參 桂 赤

石脂 研 紫石英 研 熟地黄 杜仲 去粗皮

桑寄生 續斷 香白芷 芎藭 當歸 剉碎

遠志 去心 金釵石斛 去根 白茯苓 去皮 阿膠

炒 牡蠣 五味子 艾葉 各一兩

右為末煉密為丸桐子大每服四五十九丸溫粥飲
下空心食前服

必效散 治婦人本經不調及崩漏不止

櫻皮 燒 木賊 二兩去節燒 麝香 一錢

右為細末每服二錢食前溫酒調下

方 治肉損吐血本醫不歸又補不

飛過麩不計多少微炒過濃磨細墨一茶脚調下

二錢立效

方 治非時吐血 正和子 艾葉

荆芥連根洗淨搗汁半盞飲之

又方

生地黄自然汁一盞槐花揀淨一兩用地黃汁

炒槐花候地黃汁盡花乾每用三五十粒細嚼

藥之 心邪大百效

又方

新綿半兩燒令存性分二服濃煎人參湯調下

靈寶散 治血氣刺痛引兩助疼痛及疔癩刺氣

丁香 一錢 木香 一錢 乳香 一錢 當歸 延

胡索 白芍藥 各半

右為末每服一錢溫酒調下食前服

烏金散 治血崩漏下最治產後血崩并小產血崩漏

下

櫻櫚皮 烏梅 乾薑 燒灰存性 各等分

右為末每服二大錢煎烏梅湯調溫服不以時

旋覆花丸 治停痰積飲在脇下久而不愈漸成太
癖心腹脹滿羸瘦不能食食不消化喜嘔乾嘔大小
便或澀或利在腸中搖動有水聲或口乾好飲水漿
兩脇疼痛服之必安久服根除

旋覆花

去莖

桂

去皮

枳實

麩炒去瓢

人參

各一兩

乾薑

炮

芍藥

白木

各一兩

赤茯苓

各一兩

狼

毒

川烏頭

炮去皮

礬石

燒赤各一兩

橘皮

細辛

芫花

醋浸

乾

吳茱萸

湯浸去滑

厚朴

去皮生薑製

細辛

去苗

葶藶

隔紙

大黃

微炒

黃芩

去黑心

厚朴

去皮生薑製

葶藶

隔紙

炒各七

錢半

甘遂

炒半兩

右爲末細煉蜜和丸桐子大每服一十九至二十
九日二服不拘時候

妊娠調養法

蠡斯丸 治婦人無子術金城太守范羅謙上臣驗
此術若服藥四十日無子請戮臣一家以令天下醫
人又名賜子丸 陳無擇三因方作秦桂丸施圓端效方作白薇丸

附子

生去皮

白茯苓

去黑皮

白薇

半夏

湯洗七次

杜仲

去粗皮

桂心

秦艽

厚朴

去麁皮

防

風

乾薑

生

牛膝

沙參

各二錢

細辛

去苗

人參

四錢

厚真寶慶集 卷下
右爲細末鍊蜜丸如小豆大日服五十九丸空心任
下如覺無益稍加丸數爲度如服七日後陰陽覺
有娠三日後不可更服臣妻年二十七歲無子服
此藥有娠又殘藥與前太子中含宇文妻李氏年
四十歲無子服此藥十三日有娠此藥名冬蟲斯丸
屢用屢驗此方不可不廣與人如夫不在家不可
服

凡女人妊娠若素虛羸血氣不足體中有風氣心下
多痰水者欲有胎喜病阻其狀顏色如常脉理和順
但覺肢體沉重頭目昏眩不思飲食惡聞食氣多噉

鹹酸心中憤懣不知患之所在以至三四月以後則
大劇吐逆不能勝舉如此有證則宜服療阻病竹茹
湯人參散地黄丸

竹茹湯 方闕

人參散 治初娠惡食嘔逆

人參 一兩 枳殼 三分麩炒去高 厚朴 薑汁塗炙 甘草 炙各

半兩

右爲粗末每服四錢水一盞半入生薑彈子大一
塊拍破同煎至七分去滓溫服不拘時候

地黄丸 方闕

夫妊娠藏氣皆擁關節不利切不宜多睡食粘硬難
化之物亦不須亂服湯藥大慎鍼灸惟須數步心神
不得斐憂驚恐負重振動若覺胎藏不安腹中微痛
心意煩悶四體昏倦宜服安胎順氣阿膠散近難月
卽服順胎保安散千金丸
阿膠散 治娠姪不問月數深淺因頓仆胎動不安
腰腹痛或有所下或胎奔上刺心短氣

熟乾地黄二兩 細切 艾葉切焙 當歸切 甘草
炙芍藥 川芎 阿膠炙令燥色 各一兩 黃耆若虛 羸加
至一兩

右爲末每服四錢水一盞半煎至八分温服若胸
中冷逆氣加生薑五片棗五枚同煎服
保安散 治妊娠胎氣不安心腹痛

當歸一兩半 切焙 人參一兩 阿膠炙令燥 甘草炙 各
兩半

右爲末每服三大錢水一盞半入葱白一莖拍破
煎至八分去滓食前温服未定再服
千金丸 治產前後一切風冷血氣等候產前胎氣
不安腰腹疼痛四肢昏倦妊娠臨月預含下每日空
心一服臨產五臟不痛易產蓐中不生諸疾兼治產

後惡血不盡及胎衣不下增寒壯熱吐逆煩悶皮膚
虛腫或血暈狂迷眼見神鬼能補勻血氣

金釵石斛別搗為細末 秦艽 川椒去子微炒 細辛

防風 貝母麩炒微黃 熟乾地黄焙切 糯米 甘

草炙各一分 當歸焙切 大麻仁 黃芩 乾薑炮

大豆蘖以黑豆生芽長二寸焙乾用各三分 石膏半

右精擇為末以煉蜜成劑入臼中杵一千下分為
七十二丸擇除破天德月德日合每服一合温酒
調下產後產前赤白帶下温酒嚼下產前後血氣
薄荷湯嚼下月信不通當歸酒下臨產艱難或三

五日難產及胎衣不下子死腹中橫生倒產死絕
不語但心頭有熱氣用藥一丸京棗湯研化灌之
下喉立差產後惡血不盡臍腹疼痛嘔吐壯熱憎
寒煩悶月候不調或少肢體虛怠皮腹浮腫產血
不止虛勞中風口噤不語半身不遂產前後赤白
痢大小便秘澁血暈狂語頭痛面色痿黃漸成勞
瘵飲食無味並温酒研下一丸產前臨月每日一
丸至臨產用當歸酒下一兩丸催生五臟不痛易
生

救生散 安胎益氣易產

人參

半兩

訶子

濕子裏煨
令熟去核

白朮

剉炒
黃

陳橘

皮

去白
炒

大麥蘖

炒
黃

神麴

細剉炒
黃
各半兩

右爲末每服二錢水一盞煎至六分空心溫服入
月加一倍水二盞煎一盞溫服能令兒繫小乳母
無患十日厥陰行令地氣不收冬氣不藏萬物反
生時有濛霧人病關閉不禁心痛陽氣不收孕嗽
婦多暴死及墮胎之病宜服暖肝藥以治之治婦
人胎動不安方無問太歲但寅申年十月瀕有濛
霧淒清之化孕婦有胎動不安之病宜進後方

方

人參

訶子

白木

陳橘

皮去白

大麥葉

神麴

細到炒黃

右爲末每服二錢水一盞煎至六分空心溫服入
 月加一倍水二盞煎一盞溫服能令兒繫小乳母
 無患十月厥陰行令地氣不收冬氣不藏萬物反
 生時有濛霧人病關閉不禁心痛陽氣不收孕嗽
 婦多暴死及墮胎之病宜服暖肝藥以治之治婦
 人胎動不安方無問大歲但寅申年十月瀕有濛
 霧濛清之化孕婦有胎動不安之病宜進後方

方

